

DISSERTATIO MEDICA  
INAUGURALIS,

DE

ANCYLOSEOS PATHOLOGIA  
ET CURATIONE;

QUAM,

ANNUENTE SUMMO NUMINE,

EX AUCTORITATE RECTORIS MAGNIFICI,

ADRIANI KLUIT,

ANTIQUITATUM, HISTORIAE, INPRIMIS DIPLOMATICAE  
FOEDERATI BELGII, PROFESSORIS ORDINARIJ,

NEC NON

*Amplissimi* SENATUS ACADEMICI *Consensu*,  
& *Nobilissimae* FACULTATIS MEDICAE *Decreto*,

PRO GRADU DOCTORATUS,

Summisque in MEDICINA Honoribus ac Privilegiis  
rite & legitime consequendis,

*Publico examini submittit*

JACOBUS THIENSIUS VAN DE WYNPERSSE,  
GRONINGANUS.

*Ad diem xxiv. Septembris, ciccclxxxiii. H. L. Q. S.*

---

LUGDUNI BATAVORUM,  
APUD JACOBUM MEERBURG.  
MDCCLXXXIII.

1

1911 OCT 17 OCEANOGRAPHIC SURVEY

AMERICAN MUSEUM OF NATURAL HISTORY

ET AL. 1911

NEW YORK

1911 OCT 17 OCEANOGRAPHIC SURVEY

AMERICAN MUSEUM OF NATURAL HISTORY

ET AL. 1911

NEW YORK

1911 OCT 17 OCEANOGRAPHIC SURVEY

AMERICAN MUSEUM OF NATURAL HISTORY

ET AL. 1911

NEW YORK

1911

1911 OCT 17 OCEANOGRAPHIC SURVEY

NEW YORK

1911 OCT 17 OCEANOGRAPHIC SURVEY

AMERICAN MUSEUM OF NATURAL HISTORY

ET AL. 1911

NEW YORK

V I R O   C L A R I S S I M O

DIONYSIO VAN DE WYNPERSSSE,

A. L. M. SS. THEOL. ET PHILOS. DOCT.  
PHIL. MATH. ET ASTRON. PROF. P. O.

P A R E N T I

O P T I M E   D E   S E   M E R I T O ,

P U B L I C U M   H O C   L A B O R U M   S U O R U M

S P E C I M E N ,

O M N I ,   Q U A   D E C E T ,   V E N E R A T I O N E ,

A U C T O R

D E D I C A T .



Digitized by the Internet Archive  
in 2019 with funding from  
Wellcome Library

<https://archive.org/details/b30792836>



# DISSERTATIO INAUGURALIS

D E

## ANCYLOSEOS PATHOLOGIA ET CURATIONE.

---

### I N T R O D U C T I O.

**E**xaminatis alibi (*a*), quae ad theoreticam Ancyloseos pertinent historiam; nunc, pro inaugurali Disputatione, ea, quae ad practicam diri istius vitii pertractationem pertinent, Causas nempe, Symptomata, Diagnosin & Prognosin, nec non Curam, sequentibus quatuor Capitibus persequi mihi animus est.

---

### C A P U T I.

#### D E A N C Y L O S E O S C A U S S I S.

##### §. I.

**O**mnis morbus suas habet, quarum vi existit, causas. Ita omne illud, cujus vi existit praeternaturalis Articulorum obrigescentia, pro causa Ancyloseos habendum esse, inficias iverit nemo (*b*).

##### §. II.

---

(*a*) In Dissertatione de *Ancylosi*, quam, Praeside clar. G. VAN DOEYEREN, a. d. ix. April. 1783. in nostra Academia, publice defendi.

(*b*) Vid. GAUBII *Inst. Pathol. Med.* §. 54.

## §. I I.

Has Ancyloseos Caussas dispesco in *Remotas* five eas, quae singulae quidem aliquid ad morbum conferunt, non tamen, nisi conjunctae, eundem efficiunt; & *Proximam*, ex concursu Remotarum natam, qua itaque posita necessario consequitur poniturque Ancyloseos morbus, qua sublata hic tollitur (c).

## §. I I I.

De istis ut recte agatur, generalia quaedam de cohaesione notanda veniunt. Corpus nostrum constat ex partibus solidis five firmis, & fluidis. In fluidis, five humoribus, aqua praecipue, fluiditatis principium, abundat. Sed ipsae quoque firmae non elementis salino tantum phlogistico & terreo, quorum terreum primaria est firmitatis basis, constant; verum haec ipsa per intermistam aquam ita debite temperantur, ut justa inde producat cohaerentia. Si jam unum alterumve, aut firmitatis aut fluiditatis, principium excedat, aut deficiat, oritur vitium in cohaesione. Si aquosum elementum luxurietur, cohaesio minuitur & debilitas nascitur; si minuatur, augetur cohaesio & rigiditas nascitur, major quidem pro majori elementi terrestris proportionem (d). Si talis rigiditas in partibus ad motum articuli pertinentibus locum habeat, hae minus flexiles

mo-

---

(c) Vid. *Ibid.* §. 60.

(d) Vid. *Ibid.* §. 130. *seqq.*



motui non satis obtemperant, & oritur immobilitas, pro diverso rigiditatis gradu major minorve. Quin, si vehemens fuerit, ipsa ligamenta caeteraeque partes indurantur, offescunt, & linimentum Haverfianum, glutinis vices agens, ossa jungit; quae ita concrefcunt, ut nullâ artē in posterum separari se patiantur: immo ipsa axungia offescit, & aliquando quasi lapidescit.

Aucta proinde cohaesio teterrimi illius vitii proximam constituit causam, five ipsam Ancylofin proxime efficit: quam vero causam proximam ex variarum remotarum serie conflari, e dictis constat, de quibus ergo singulatim videbimus.

#### §. I V.

Causae *Remotae* hujus, ut aliorum morborum, vel *Proëgumenarium*, vel *Procatarticarum* nomine veniunt.

Videamus jam de posterioribus, quae causarum quoque *Occasionalium*, sed alibi *Potentiarum nocentium*, titulo insigniit summus inter recentiores Pathologos GAUBIUS (e). Has commoditatis ergo in *Communes* & *Topicas* dispesco.

#### §. V.

*Causas Procatarticas communes* dico, quae, omnibus vulgo hominibus competentes, in corpore tamen ad ancylofin singulariter disposito tristem hunc effectum excitant. Quo faciunt

Res

---

(e) *Ibid.* §. 59, 76.



*Res non naturales; et quidem*

1°. *Aër frigidus*, qui corpora densat, fluida compingit, solida rigidiora & magis elastica reddit, motus fluidorum intestinos minuit, suspendit; hinc arctantur canales, contentis spatium minuitur, augetur resistentia, humores coguntur, inertes, immeabiles, in stases redduntur proni; in robustis exercitatisque mutua inter solida & fluida actio, attritus, calor internus augetur, circuitus, coctio, attenuatio, dissipatio intenditur; debilibus autem & otiosis ob constricta vasa & humorum lentorem imminuitur circulatio, decrescit calor natus, vis vitalis, omnes functiones torpent, & suppressis evacuationibus, non defaecantur humores, unde acre, mucus, aqua augetur, & hinc varii nascuntur morbi articulares. Conf. GAUBIUS (f).

2°. *Subita nimis atmosphaerae mutatio*, calidae in frigidiorē, aut vicissim, frequens prae reliquis dirissimae hujus calamitatis mater est. Ubi humores & partes C. H. solidae, frigidiori aëri assueta, calori subito exponuntur, corrumpuntur, & gangraena sphacelusque in iis nascitur. Ubi contra, calidiori atmosphaerae assueta, momento subinde citius frigore corripuntur, inspissantur humores, contrahuntur, constringuntur solida illos vehentia, unde aequabilis cessat humorum motus & circulatio, hinc obstructions, inflammationes & multifariae earum sequelae enascuntur. Hinc intelligitur, quare omnis subitanea tempestatis & climatis mutatio sit periculosa.

3°. *In-*

3°. *Ingesta, in quibus principium terreum abundat.* Haec enim, ni motu animali vincantur, primas vias onerant, difficulter digeruntur, alvum constipant, auctaque in nostris humoribus per chylum nimis terreum terrae quantitate, partibus fluidis, hinc necessario etiam solidis, cohaesionem augent, quietem, inertiam, spissitudinem, rigiditatem, concretiones varias, obstructions, & hinc innumera mala, totidem Ancyloseos causas, producunt. Conf. GAUBIUS (g). Nocent imprimis autem stimulantia: quia, aucto circuitu, subtiliores nostrorum humorum partes dissipant, obstructionsque creant. Hoc itaque nomine spirituosorum, aromaticorum, condimentorumque abusus Ancylosi favet. Haec ratio, cur ebriosi ante senium senescant.

4°. *Nimum Venoris exercitium* multum huc facere, vel dubitaverit nemo, qui perspiciat, hinc tenuiores humorum particulas, ipsosque spiritus, diffilari, remanentibus crassioribus. Semen praeterea est liquor balsamicus admodum, quo itaque exhausto, humorum acrimonia non satis involuta extricatur, per totum corpus diffunditur, adeoque & articulos afficit: ne quid dicam de musculorum inertia & atonia, quam nimiae excretiones feminis inducunt, cum omnium motuum languore.

5°. *Vitae genus lautum, otiosum.* Hoc enim oleum atque mucosum & glutinosum in humoribus augetur, unde oriuntur visciditates, infarctiones, obstructions, rancores, variae acritates; hinc  
et



et constrictiones, spasmi, vel e contrario torpor & inertia, variae concretiones, quae omnia huc conferunt. Hisce solidorum actio minuitur, motus adeoque humorum retardatur, calor internus minuitur, circulatio, secretiones non rite procedunt, crasis humorum vitatur, elementa secedunt, tenuior pars per vasa propellitur, crassior stagnat, unde errores loci, nutrimenti, obstructiones, variae iterum acrimoniae, inflammationes, Ancylosi faventes, enascuntur. Graphice, pro more suo, hujus vitae generis effectus recensuit GAUBIUS (b).

Huc etiam referri potest musculorum & ligamentorum membri cujusdam quies: quae causa est, quod in infantibus variolosis, quibus manus ligatae diu manent, ut intervertatur scalpendi facultas, subinde Ancylosis in cubito enasci deprehensa fuerit.

6°. *Vita laboriosa nimisve exercitata* haud minus favet Ancylosi, quia humores attenuat, rarefacit, actionem solidorum in fluida augeat, unde horum pars tenuior dissipatur, spissior remanet, stagnat; quae, ut ante jam patuit, maxime huc faciunt. Nocet et hoc vitae genus vel exinde, quod homines labori affucti saepe corpus calidum frigori subito exponant, unde rheumatismum contrahunt, de quo postea. „*Musculis nimis exercitatis, eveniunt lassitudo, debilitas, tremor, dolor, spasmus, impotentia ad motum*, monente Pathologorum principe (i). Hinc ante aetatem senium provocatur, aucta quippe solidorum rigiditate.

7°. *Opi-*

---

(h) Vid. Ibid. §. 513.

(i) Vid. GAUBII *Inst. Pathol. Med.* §. 512.



7°. *Opificia.* Opifices enim diversi, ut reliquis, ita et huic morbo haud raro patent: metallici imprimis, qui genibus saxo innixi laborant (k); tum omnes illi, qui ex aëre calidiori mox in frigidiorē se conferunt, v. g. pharmacopoei, pistorēs, fabri ferrarii, immunes ab Ancyloſi non sunt habendi; ita et bajuli gravia pondera portantes humeris, ſcalas altas & gradus ſaepe onerati adſcendentes, & ſimiles alii, quorum haud rarus morbus eſſe obſervatur fractura Patellae (l), ex qua quam facillime oriri poſſit Ancyloſeos cauſa, non eſt quod multis adſtruam. Ab onerum geſtatorum preſſionē quid ſimile iidem experiantur, poſthac videbimus. Eidem vitio obnoxii ſunt ſartores, ſutores, omneſque, verbo, artifices, qui eodem ſemper membrorum in ſitu opus faciunt. Hinc et homines litteratos, helluones librorum, ſtudiis, nullo intermixto corporis motu, nullaue animi relaxatione, inhaerentes, chartas noctes diesque volutantes, eidem eſſe obnoxios, tum ob perſpirationem ſuppreſſam, tum ob motum corporis minorem, conferendo jam dicta cum iis, quae adhuc dicenda habeo, facile eluceſcit.

8°. *Perverſa medicatio*, ut in aliis, ita et hoc in morbo triſtiſſimam mali relinquit ἀνάμνησιν. Si e. g. debili leviter membro applicentur nimia copia nimisque diu ſpirituosa, acida, terreſtria, reſorbentia, aromatica, adſtringentia, aliaque, vix ullum remanet dubium, quin, aliquamdiu protracta perverſa iſta medicatione, debilitati

---

(k) Vid. PLATNERI *Inst. Chirurg. Rat.* §. 1215. Nov. Edit.

(l) Vid. Clar. CAMPERI *Diff. de Fract. Patellae* Francq. 1754.

tati successura sit rigiditas, adeoque et ipsa tandem Ancylosis hinc nascatur, vel ejus saltem diathesis. Haec quoque causa, cur ex cicatrice minus recte inducta toties oriatur Ancylosis. Indidem fit, ut reductam fracturam saepius excipiat Ancylosis; quia nempe, ubi deligatio fit, motus minus bene aut violenter nimis instituitur, aut plane negligitur; unde ligamentorum distractio, axungiae dissipatio, vel accumulatio, nimius attritus, inflammatio, aliaeque oriuntur. Eadem ratione luxationes reductas immedicabilis non raro excipit Ancylosis.

9°. Ut perversa, ita et *neglecta* plane *Medicatio* ut plurimum nocet. Ubi e. g. in inflammatione, vulneribus, rhachitide, luxatione (*m*), fractura, imprimis prope articulum, medicatio negligitur, non possunt non ferius ocyus dirissima hinc mala, motum articulorum turbantia, produci.

## §. V I.

*Causas Procatareticas Topicas* voco, quae in singulares quasdam corporis partes directe vi sua nociva operantur: quo referendae videntur,

I°. *Vis distrahens*. Saepe fit, ut quaedam H. C. pars, quaecunque demum de causa, valide distrahatur, aut nimis extendatur. Dum jam omnem canalium distractionem sequitur capacitatis immi-

nutio,

---

(*m*) Conf. *Act. Phys. Med.* Vol. VII. *Observ.* 40. pag. 108.



nutio, mirum non est, hinc oriri obstructionem, suo titulo ad causas proëgumenas nostri mali referendam. Molliores praeterea partes rumpuntur, aut tonum amittunt, unde oriuntur humorum effusiones, & muscoli ligamentaque suis muniis obeundis non sunt, contrahi rite negant, & proinde distracto articulo, aut distractis musculis eum regentibus, motus destruitur. Patet adeoque ex dictis, quantum errent illi, qui articulorum rigidorum incurvationem valida distractione corrigere tentent.

II. *Vis Comprimens*; quorsum contusionem, ictum, lapsum refero. Quum etenim pars quaequam valide comprimitur, compressis nervis perit motus musculorum ligamentorumque, & pars tonum amittit; compressis vero vasis secretio & resorptio minuitur. Per compressionem praeterea ossium apophyses & epiphyses insigniter latefcunt & expanduntur; quod facilius in juniore aetate, ossa habente molliora, fieri deprehenditur. Et talem quidem expanduntur in modum, ut axungiam e cavo, quod occupat, expellant, ipsius cavi latera atterant, partesque vicinas valde distrahant. Unde varia ratione vis comprimens producendae Ancylofi apta est: quo nomine & claudicationes huc facere, videbimus. Intelligitur hinc, quare Ancylofin spinae patiantur quam maxime bajuli: onere etenim deorsum premuntur nonnulla vertebrarum corpora, vel spinae, sibi invicem, ut et processus laterales, apprimuntur, detritoque vel depravato periosteo ex ossibus exsudat lympham nutriens; glutinosa; exprimitur majori copia linimentum Haverfianum; per novos, qui enascuntur, fibrarum ordines rigescunt ligamenta,



dum eodem in statu remanent vertebrae & successive concreſcunt (n).

Hic porro de vi contundente agendi locus eſſet, niſi infra de ipſo contuſionis effectu paullo prolixius verba facere conſtituiſſem.

III. *Vis Contorquens.* Omnibus articulis determinati competunt motus; ita Enarthroſi & Arthrodiæ motus rotatorius, extenſorius tantum Ginglymo competit & flexorius (o). Si jam in Ginglymo motus rotatorius tentetur, non moleſte affici nequeunt diſtrahique partes vicinae, quae tonum amittunt, vel diſrumpuntur, dum tenuior linimenti articularis pars diſſipatur; quae omnia totidem conſtituunt affectiones, producendae Ancyloſi aptiſſimas. Mirandum proinde, quod in infantibus, inter ſe mutuo ludentibus aut conflictantibus, hac de cauſſa productam Ancyloſin non ſaepius deprehendamus.

IV. *Vis urēns; rodens, item ſcindens,* huc referendae videntur: quoniam hae vires oſſium deradunt ſuperficies, continuique ſolutionem efficiunt; unde laeduntur vaſa, ſcindunturque aut moleſte ſaltem afficiuntur nervi & vellicantur. Hinc paralyſis enaſcitur, aut dolent vicinae partes, laeduntur, convelluntur; ſicque enaſcitur Ancyloſis: aut ipſa diſrumpuntur ligamenta, quam rupturam ſynoviae effuſio ſequitur, & articulus moveri negat. Nocent praeterea vel et hinc, quod varias producunt oſſium excreſcentias, quae inter conjuncta oſſa procreſcant, eademque conferruminant; vel et calloſam

---

(n) Vid. *Act. Phyſ. Med. Vol. VIII. obſ. 124. pag. 452. ſeqq.*

(o) Vid. *Diſſ. Acad. mea de Ancyloſi §. IV. pag. 5. ſeq.*



sem producant materiem, eidem pariter vitio producendo idoneam (p).

Omnes praeterea memoratae caussae hoc habent commune, quod dolores, fracturas, luxationes, inflammationes, vulnera aliaque infinita, infra caussis annumeranda, producant, aut producere saltem possint, mala.

§. V I I.

Transeo ad Caussas *Proëgumenas*, sive *Praedisponentes*, quae clar. GAUBIO (q) *Seminia* dicuntur. Sin vero *feminium* dicere velis omnem ejusmodi in corpore diathesin, quae vergat facile in morbum, nondum vero morbi plene formati habeat malitiam, causas ancyloseos proëgumenas distinguere apte poterimus in *Seminia Naturalia*, *Seminia Praeternaturalia*, & *Conditiones vere morbosas*.

§. V I I I.

Ad *Seminia Naturalia* an ipsam referemus C. H. naturam, talem quippe, qua Ancyloseos sumus capaces, & sine qua articulorum nulla obrigescencia dari posset? Ita quadantenus per naturam huc apti & dispositi dici possemus, & feminium omnibus commune foret. Attamen ita unice conditio hujus morbi capax habetur, sed quae contrarii etiam vitii, nimiae laxitatis, nos aequè capaces reddit; & perfecta corporis sanitas mediocritate admirabili, ut omnis

(p) Vid. TRIOEN Obs. Med. Chir. fascic. pag. 130. seq. Conf. Tab. 11, 12.

(q) In Inst. Pathol. Med. §. 75. coll. 606 — 622.



# DISSERTATIO DE ANCYLOSEOS

virtus in vitiorum quasi medio consistit, utitur & gaudet. Naturale ergo feminium certi alicujus morbi *commune* admitti nequit; dantur tamen *propria*, per quae alii aliis naturaliter magis in hunc morbum proclives sunt.

## §. I X.

Quod ad naturalia ejusmodi seminia pertineat

I. *Sexus virilis*, haud mirum est: in quo quippe corpus firmitus est, solida rigidiora, strictiora, fluida densiora, quae singula huic morbo favent.

II. *Temperamentum melancholicum*: in quo principium terreum abundat, unde turbantur facile secretiones & excretiones, imprimis linimenti articularis; & in quo obstructiones, concretiones omnium frequentissime deprehenduntur.

III. *Aetas senilis*. In hac etenim pereunt vasa & obliterantur, solidorum quantitas augetur, fluidorum minuitur, impeditur respiratio, pulmones sanguinem transmittere, ut quondam, negant; hinc impeditur circulatio, oriuntur ecchymoses, stagnationes, obstructiones in vasis; hinc nec secretiones rite procedunt, contenta cum vasis concrescunt, inspissatur smegma articulare, ab impedita diluentis vehiculi secretionem, dum nihilo minus causa dissipans agere pergit; rigescunt ligamenta, rigescunt muscoli eadem de causa; concrescit porro synovia cum articulo ipso, quo continetur, in cartilaginem vel os indurescit; sicque Ancylosi spuriae vera super-



venit. Eleganter proinde & graphice GAUBIUS (r) „ *In corpore senili, inquit, solida siccescunt, tubuli concallent, nervi marcent, vis vitae ac movendi sentiendique facultas elanguescit, circulatio torpet, calor natus defervet, excretiones tardescunt, humores mucosa, salina, terrea faece impuri, subtilioris materiae defectu vappidi, vitiantur*”. Legi hac de re omnino meretur venerandi senis, clar. J. OOSTERDYKII SCHACHT, quo Praeceptore aestumatissimo & studiorum in Trajectina Academia duce usum fuisse honori mihi duco, Oratio de *Fato senili inevitabili*.

## §. X.

Dum *Semina Naturalia* ancyloseos nobis erant, quae ipsa natura humana, etiam optime sana, sponte habentur; secundo nunc *Praeternaturalia* erunt appellanda, quae, licet necdum morbum plene formatum sui nominis exhibeant, a sana tamen ipsius naturae conditione & operatione jam deflectant. Huc pertinet

I. *Corpus debile*: tale videlicet, ubi fluida N. C. excedunt, adeo ut cohaesio justo minor sit. Haec obrigescentiae seminium, ut ut prima fronte contraria videatur, constituit: quoniam debiles muscoli & ligamenta minima de causa male se habent, a stimulis vel solitis, vel solito vix majoribus in enormes cientur motus, spasmodice afficiuntur; aut a motu vel tantillo majori fluida errores.

---

(r) In *Inst. Pathol. Med.* §. 857.



## 14 DISSERTATIO DE ANCYLOSEOS

res loci patiuntur, eorumque sequelas, solida etiam distrahuntur; quae omnia totidem titulis Ancylofi favent.

II. *Vitia Linimenti* varia, quae commode recensemus sequentia.

1°. *Ubi Deficit.* Axungiae hujus defectum huc facere, patet, si ad usum ipsius in sanitate attendamus. Eum etenim in finem secernitur, ut facilius ossa ad se invicem moveantur, nec nimium in articulis patiantur attritum. Si jam deficiat ille latex, difficulter moventur ossa, eorumque superficies multum deteruntur, adeoque, nullo corpore intermedio, alterius ossis cum alterius substantia sensim confluit, & hinc utraque enascitur obri-gescentiae species, tum spuria, tum vera. Multum praeterea, ob notabilem, quae excitat, inflammationem doloremque, hic defectus nocet.

Aliquando tamen provida Natura hunc defectum supplet ossium extrema, crusta cartilaginea jam privata, adeo expoliendo, ut lubricae satis supra se invicem prolabantur, adeoque pro tempore saltem Ancylofin praecavet; quod e variis, tum in Clar. PROMOTORIS, tum mea collectione, ossibus morbofis mihi constat.

2°. *Quando nimias continet particulas serosas*, etiam producendae Ancylofi favet: siquidem resolvuntur linimenti partes, adeoque effusiones, hydropes articulorum producuntur; unde vicinae partes extenduntur, ligamenta musculique flaccescunt, debilitantur, & ad motum redduntur inhabiles. Serum praeterea acre redditum periosteum, ligamenta, tendines, musculos, partes internas articulis nonnullis proprias, verbo, omnes partes vicinas irritat, pun-



pungit, corrodit, inflammationes, ulcera aliasque infra memorandas Ancyloseos causas producit.

3°. *Muci inertis quandoque obruitur copia.* Hic mucus motui nocet quam maxime, tum, quia orificia, vel ductulos folliculorum arteriolarumque obstruit, secretionemque linimenti boni impedit; inprimis autem venularum resorbentium obturat oscula, sicque linimenti impedit absorptionem, stagnationemque producit; tum et, quia brevi vel exsiccatur, ac impedimento est, & quasi glutinis agit vices, vel corrumpitur, suaeque labe vicinas partes inficit.

4°. *Nimias aliquando continet partes glutinosas,* quo fit, ut nimis inspissetur, ut resorptio, saltem partis crassioris, impediatur; unde gluten augetur & colligitur in cavo articuli, quod tenaci spissitudine motum impedit, vel ossa conferruminat, vel denique stagnatione acrimoniam contrahit, partesque vicinas inficit, vel destruit.

5°. *Oleum,* huic linimento constituendo dicatum, vel *imminuitur,* vel plane *deficit,* sicque ejus crasis solvitur, stagnat pars crassior, dissipatur tenuior; adeoque, quod ex iis, quae dicenda adhuc supersunt, clarius patebit, motus vel imminuitur, vel plane tollitur.

6°. Vel *Axungia cum alio succo miscetur:* qui, si acris fuerit, ligamenta, cartilagines, ossa, verbo, omnes partes articulum constituentes, corrodet; si blandus, nimia saltem accumulatione nocebit, axungiam diluet, ligamenta laxabit, vel et arteriolas, maxime venas resorbentes, intrabit, eas obstruet, sicque supervacui humoris resorptionem impediet.

Multo



7°. Multo magis noxium est, si *Corpora heterogenea* alia *contineat*, qualia sunt materies calcarea, cretacea, cartilaginea, tophacea, calculi: quae tunc vel rodendo, vel comprimendo, vel irritando, aut alio quocunque modo Ancylofin dispositis satis facile conciliabunt.

8°. *Ubi stagnat* illud linimentum, ibi solvitur crasis ejus, pars tenuior collecta hydropem facit; vel crassior motum impedit; quin ossa conglutinat; duratur in tendineam, cartilagineam, imo osseam substantiam; unde impeditur motus, augetur attritus: vel et stagnans acrimoniam contrahit, unde ligamenta capsulaeque corroduntur, adeoque imminuitur motus; hinc luxationes, rhachitides, abscessus, dolores, ulcera, fungositates, producuntur, ossa carie comeduntur, fragilia redduntur, adeoque facile franguntur, item porosa & aspera redduntur, dum variis excrescentiis tuberculisque, a spina ventosa, a carie oriundis, obsidentur. Quae omnia, utpote totidem Ancyloseos causae, in posterum erunt memoranda.

9°. *Nimia* tandem aliquando *copia* *secernitur*, vel non rite *resorbetur*. Inde accumulatur, articulo sua quantitate oneri est; ligamenta capsulaeque praeternaturaliter distenduntur, in partes vicinas articuli agunt, imo et tenuior pars dissipatur, retinetur crassior; tonum ligamenta amittunt, unde usus eorum impeditur, luxationes oriuntur; suove tandem glutine linimentum ossa conglutinat, sicque motus articuli plenarie destruitur.

III. *Corpora* etiam *cartilaginea*, *ossea*, *calculosa*, vel quaelibet *heterogenea*, *intra articulos delitescunt*, non omittenda videntur.



dentur; quorum priora passim memorata leguntur. Ita HENKELIUS (s), refert a se observatum corpus cartilagineum ferme, intra articulum poplitis delitescens,  $\frac{1}{2}$  pollicem crassum, & 1 pollicem latum, mobile, atque ad 4 pollicum spatium sub musculos femoris aliquando adscendens &, ubi sub patella movebatur, motum impediens. Officulum etiam liberum, nucem avellanam aequans, in eodem articulo memorat J. A. H. REIMARUS (t): qui et varia a se aliisque observata hujus mali exempla refert (u); nec in ullo alio articulo hujus exempla memorata novit. Clar. Promotor VAN DOEVEREN etiam, penes Senatorem Groningam, tale corpus in eodem articulo deprehendit; eidemque simile vitium in viro laborante hydarthro, inde forsan nato, observare nuperrime licuit. De calculis articularum varia etiam observata leguntur. Varios in primis, ex genu foeminae a Chirurgo W. à BOURGOGNIE extractos, vidit C. STALPART VAN DER WIEL (v); memoranturque tales a SCHENKIO (w). Quae corpora tum sua mole & continua lamellarum appositione directe motum impediunt, tum vasa nervosque comprimendo, ligamenta vicinasque partes distrahendo, tum denique axungiae crasin vitiando, eamque exprimendo, ad Ancylosin contribuunt.

## IV. Huc

---

(s) *Dritte Sammlung seiner Medicinischen und Chirurgischen anmerckungen*, p. 7. seq.

(t) In *Diff. de Fungo Ligamentorum*, Leid. 1757. pag. 11.

(u) Vid. pag. 15, 30. seqq.

(v) Vid. *Obs. Rar. Cent. 1. Obs. 12. in Schol.* pag. 61.

(w) In *Obs. Med. Lib. V. de Genibus*, *Obs. 1. de Calculo*, pag. 671. & *Lib. V. de Arthritide*, *Obs. 1. de Calculo & Tartaro*, pag. 691.



IV. Huc etiam reduci merentur illi casus, in quibus *cartilaginum* extremarum *commissurae* in ipso articulo *tela* quasi *connectuntur*, qualis ab inflammatione in thorace & alibi nasci solet: unde nascitur *Ancylosis*; quae vi subito illata subinde tollitur. Ita J. A. MEEKREN (x) memorat, brachio hac de causa rigido, irritis fotibus, cataplasmatibus, aliisque adhibitis remediis, lapsu motum usumque fuisse restitutum.

V. Nec omittendus *glandularum Cowperianarum tumor*, quae suam etiam ad dirum hoc mali genus confert symbolam. Tales enim tumores vel insigni sua mole motum mechanice impediunt; vel eundem morbum non nisi auctis demum attritu, ligamentorumque distensione, aliisque hinc enatis malis, sensim sensimque constituunt. De hoc tumore conf. Doct. REIMARUS (y).

VI. *Error nutrimenti*. Scilicet secundum leges, a Natura latas, quaelibet pars suum habet nutrimentum proprium, sua organa illud advehentia. Hinc est, quod tendini firmior, quam musculo; cartilagini firmior, quam tendini; ossi, quam cartilagini; denti, quam ossi, apponatur in nutritionis opere materia. Si jam, pro restitutione substantiae deperditae, loco linimenti in articulo fecernatur alius humor, aut glutinosus, aut (si ita dicere liceat) cartilagineus osseusve; illa materies articuli motum non tantum impedit, sed & postea cum ossibus articulum constituentibus concrescet, articulum conglu-

---

(x) Vid. Obs. Cap. 64. pag. 297. seqq.

(y) In diff. cit. pag. 28. seq.



glutinabit, Ancylofin formabit. De errore nutrimenti pro more egregie GAUBIUS (z).

VII. *Unius lateris exsuperantia.* Sapiens enim rerum Conditor microcosmum humanum ita construxit, ut partes non tantum, quorum paria adsunt, sibi mutuo tum quoad volumen, tum quoad longitudinem, perfecte sint aequalia, nec unum membrum alterum superet; sed ut unius quoque & ejusdem partis latera sibi invicem quodammodo respondeant, Si vero ejusdem partis unum latus magis, quam oppositum, increseat, id, quod magis altero procreseat, cavo illius ossis, cum quo articulatur, valide apprimetur, illique cedere nescio ita accrescet, ut articuli obrigescentia inevitabilis sit. Illud praeterea latus synoviam oppositum versus propeller, ubi tunc accumulabitur, & Ancylofin faciet. Quod unum membrum, opposito magis increscens, huc quoque suam conferat symbolam, dein, ubi de claudicatione sermo erit, patebit.

VIII. *Labes hereditaria.* Si nempe vel alteruter, vel uterque parens, vel avus hoc vitio laborat, quidni et, aequae ac aliorum morborum, in sobolem propagare possit hujus quoque seminum, certo tempore, data occasione, in morbum, Ancylofin, erupturum? Confirmat hanc suspicionem dira Podagra toties hereditaria, eademque producendae Ancylofi aptissima: nec minus singularia nonnulla haud absimilium vitiorum hereditariorum exempla; quale solebat auditoribus narrare clar. GAUBIUS, in quo, certo aetatis

tem-

---

(z) In *Inst. Pathol. Medic.* §. 404.

tempore, integrae familiae digitus minimus versus volam manus contrahebatur ob primae cum secunda phalange Ancylofin. Novit & Clar. PROMOTOR hominem, qui Ancylofi secundi digiti utriusque pedis laborat, idque vitium cum sua matre commune habet.

Immo subinde infans in utero vitium aliquod organicum contrahit, ad Ancylofin disponens, dataque occasione in Ancylofin erumpens. Huc v. g. referendum est vitium in cartilaginibus ossium jam pro parte, vel integre, confluentibus, aut nunquam forsitan separatis; quale quid in exemplo alibi (a) a me ex Actis Parisinis allato adfuisse videtur. Huc etiam caries, debilitas, &c, congenitae pertinent.

IX. Obiter hic etiam memorare liceat *Vitium partu acquisitum*, fracturas, luxationes, distorsiones, convulsiones aliaque, de quibus, utpote conditionibus morbosis, ad Ancylofin disponentibus, singulatim postea agetur. Huc, vel ad praegressam etiam causam, referri posse videtur, quam mihi nuperrime comparavi, costarum duarum sinistri lateris in puero Ancylofis inter capita & condylos, ubi nullum praegressae injuriae existat vestigium.

### §. X I.

Inter conditiones morbosas, five ipsas functionum laesiones, ad Ancylofin disponentes, referri possunt

I. Mus-

---

(a) Vid. *Diff. de Ancylofi* §. XLIX. pag. 52.



I. *Musculorum Ligamentorumque vitia*, quorum ingens est catalogus. Primaria sunt:

1°. *Accurtatio*; quae causa est, qua propius sibi mutuo applicantur ossa, unde minus axungiae conceditur spatium, & ossa majorem patiuntur attritum, immobilia redduntur, omnino coalescunt.

2°. *Nimia longitudo*; qua fit, ut flaccescant ligamenta quasi, atque ad motum solitum, multo magis adeoque ad majorem, luxationem patiantur ossa, quam inter ossium morbos Ancylosin producentes mox propius enarraturus sum.

3°. *Spasmus & convulsio*. Utrum spasmus musculorum ad Ancylosin quidquam faciat, & quantum, nemo dubitat. Illa v. c., quae in *Memoires de l'Acad. des Scienc. (b)* memoratur, Ancylosis per solum musculorum spasmum explicari potest. De motu autem convulsivo forsitan id non ita facile concedent nonnulli, largientes, in ipsa quidem violenta contractione impediri articuli motum; in intervallo autem inter paroxysmos motum expediri, & ad novum usque paroxysmum liberum manere. Hoc aliquando fieri posse, lubentissime fateor, attamen rarissimum esse. Convulsionem enim sequitur atonia; & plerumque aliquid superesse, quod motum impediat, novo iterum paroxysmo provocando idoneum, tantum non consentientur omnes. Motum adeoque convulsivum, aequae ac spasmum, praeternaturali articulorum obrigescentiae aptissimum esse, merito statuitur.

Pa-

---

(b) *Ann. 1728. pag. 283. seq.*

Pariter, Ligamenta violenter stimolata nostro malo causam dare posse, facile supponendum foret, nisi in hanc sententiam tela vibrarent adversarii. Prolabimur enim hic in celeberrimam, dexterrimos inter Physiologos agitatam controversiam, an ligamentis sentiendi facultas attribuenda, an vero deneganda sit? Hanc ligamentis denegare non dubitarunt bene multi; in quibus (quod dolendum) agmen ducit, caeterum eximius Auctor, HALLERUS, qui varia circa hanc rem experimenta se instituisse, atque inde sibi constituisse, nullam dari ligamentis sentiendi vim, strenue affirmat (c). Hanc tamen opinionem, (quam ipsi videntur satis refellere dolores acutissimi in arthriticis, podagricis, rheumaticis, aliisque articulorum morbis, quibusvis fere hominibus notis, atque ab ipso SYDENHAMIO (d) & SWIENTENIO (e), ipsoque meo Clar. Promotore, hisce partibus merito adscriptis,) apte satis & concinne experimenta refutarunt clar. KRAUSII (f), ROB. WHYTII (g), aliorumque (h). Sed & compositae hujus litis & manifeste demonstratae tendinosarum partium & ligamentorum sensilitatis laus attribuenda videtur celeberrimo

---

(c) Vid. *Op. Min. Tom. I. pag. 330. seqq. & pag. 441. seqq. Conf. Elem. Physiol. Tom. IV. pag. 454.*

(d) *De Podagra pag. 547. Conf. pag. 548.*

(e) *Comm. in Aph. BOERHAVII §. 1259. seq. pag. 311, seqq.*

(f) *Dissert. de sensilibus C. H. partibus Lips. Ao. 1765.*

(g) Vid. *Physiological Essays.*

(h) De quibus consuli potest egregia Doct. J. A. H. REIMARI *Dissert. supra cit. pag. 14. seqq.*



rimo Promotori (*i*), quem eximium in Physiologicis aequè, ac Practicis, ducem mihi obtigisse, est quod gaudeam, qui multum huic liti lucis affudit, & agitatae tanti momenti quaestioni optatam (me iudice) posuit metam. Quum jam, vim sentiendi quemdam stimulum ligamentis inesse, pateat abunde; haecce organa iisdem, quibus reliquae N. C. partes, quatenus omnes vi contractili quadam, vi vitali, sunt imbutae, similiter morbose irritata, constrictionibus morbofis esse obnoxia, nullus dubito.

Hi autem spasmi, & motus convulsivi, ni subito resolvantur, siue musculos, siue ligamenta, siue utraque occupent, membrum accurtant, incurvant, linimentum Haversii dissipant, adeoque motum vel impediunt, vel penitus tollunt.

4°. *Paralysis*. Hanc inter Ancyloseos causas a me referri debere, nullus, credo, negaverit: siquidem constat, ubi muscoli moleste afficiuntur, illos subinde plane quiescere, non contrahi, ad motus reddi ineptos. Quum jam praedispositioni ad Ancylofin accedat paralysis, obrigescit articulus, omnisque ei perit motus.

5°. *Rigiditas nimia* ad Ancylofin multum facit, nec mirum. Dictae etenim N. C. partes, ut suas rite peragant functiones, flexiles admodum & molles requiruntur, quae ambo requisita in rigidis absunt. Haec rigiditas a concretionem ligamentorum cum vaginis tendineis non raro nascitur.

6°. *Debilitas*, (ad quem titulum etiam imbecillitas a morbo nata referri

---

(*i*) Conf. Spec. Obs. Acad. Cap. XIV.

referri potest,) huc pertinet: qua fit; ut in motu nimis, quam par est, cedant & distrahantur ligamenta & muscoli; unde, si non ossa e suis elabantur acetabulis, motus saltem articulorum depravatur, & tollitur.

7°. *Durities*, quorsum chondrogeniam, osteogeniam, aliasque species refero, huc etiam contribuit, ut ex dictis de rigiditate abunde liquet. Osteogeniam Ancyloseos causam aliquando esse, e clavicula, quam possideo, per ossificata & degenerata ligamenta eam cum scapula naturaliter nectentia, cum parte, ut saltem videtur, scapulae nexa, demonstrare possum.

8°. *Tumor ligamentorum* multum nocet: tum, quod tumefacta, minusque longa, ossa sibi mutuo valide apprimant, & ad articuli debitum motum extendi non permittant; tum quod a nimia ossium ad se invicem appensione, vel per ligamenta compressione, smegma articulare vel condensetur, vel dissipetur. Merito itaque fungosum ligamentorum tumorem plerumque Ancylosin comitari, statuit J. A. H. REIMARUS (k).

9°. *Ligamentorum musculorumque disruptio* multum etiam ad provocandam obrigescentiam confert; si quidem praecipua motus sunt instrumenta, & maxime quidem muscoli, quibus ergo disruptis motus necessario perit. Praeterea, his disruptis, inprimis ligamentis, luxatio producitur, quae motum ut plurimum, regularem ut-  
cunque, tollit. Disruptis denique etiam ligamentis armillaribus,

mu-

---

(k) In *Dissert. cit.* pag. 23. Conf. pag. 48. in fine.



musculi puncto fixo carent, ex quo operentur, adeoque et sic eatenus musculorum functio perit.

II. *Dolor* duplici quidem titulo huc facere videtur. Vel enim suo stimulo partes articulo vicinas irritat, & convulsiones, inflammationes earumque effecta producit; vel prae solo dolore articulo-  
rum motus impeditur quodammodo, aut tollitur, pro varia parte affecta, varioque sensilitatis in aegro gradu. Nec difficile foret exhibere, quomodo et huc facere possit *Pruritus*: qui omnino aliquid ad hanc immobilitatis speciem conferre potest; rarissime tamen nostrum morbum inducere videtur.

III. *Tumores* nocent, vel quod dolorem excitent; vel quod capsulas articulares comprimant, adeo ut tenuiores synoviae particulas dissipent, remanentibus crassioribus; vel quod, musculos nervosque comprimendo, paralyfin inducant; aut vasa comprimendo secretionem, absorptionem, nutritionemque impediant; vel quod mechanice motum prohibeant, talique in loco ponantur, ut articulus moveri nequeat, v. g. intra articulum, ad poplitem, & alibi.

IV. *Obstructio* suam non raro nostro in morbo ludit tragoediam, & varia de causa nocet: tum, quod ligamenta inepta reddat, nervos vasaque comprimat, & musculos paralyticos reddat; tum, quod dolorem, inflammationem, variasque ejus sequelas producat.

V. *Inflammati*o quoque his causis annumeranda videtur ob sequentes rationes: 1<sup>o</sup>. quia dolorifica est; 2<sup>o</sup>. quod, stagnante in vasculis articularibus humore, nil nisi tenuis materies fecernatur,

parum vel nihil reforbeatur, nutritio pereat, & hydrarthros formetur; 3°. quod tota illa materies, aut saltem pars axungiae tenuior diffletur, & crassior sola supersit; vel 4°. quod contenta cum vasis concrelcant; 5°. quod in suppurationem terminetur.

VI. *Nam & ipsa Suppuratio ad Ancylosin* haud raro disponit; si quidem vasa, nervos, & ligamenta subinde afficiat: tum, quod inter duplicem ligamentorum capsularium membranam, de qua conf. *BONN* (1), pus effusum internam membranam in articuli cavum protrudit, adeoque necessario axungiam expellit, vel condensat; tum denique, quod linimentum inspissat, glutinisque vice fungens ossa conferruminat.

VII. Nec excludenda cenfeo *Ulceræ*: quae nocent, partim, quia acri, quem continent, latice ossa articulosque, & vicinas eorum partes, corrumpunt; partim, quia vasa, nervos, musculos, ligamenta-que afficiendo, convulsiones paralyfesque creant; partim, quod, effuso intra cavum articuli acri humore, capsulas distendunt, quod quantum noceat, ubi de *Ichore* dicam, patebit; partim, quoniam non raro glandulas *COWPERI* indurant & scirrhasas reddunt; partim, quod ipsas omnino destruunt, unde illarum usus, smegmatis scilicet secretio, cessat; quod denique similia vicinis partibus mala inducunt, vel eas destruunt. Huc referendum videtur exemplum *Ancyloseos cubiti* inde natae, quod materia e parotide glandula

---

(1) In egregia *Comment. de Humero Luxato*, pag. 3. Conf. *Dissert. de Continuationibus membranarum*, §. 29.



dula suppurata per collum & humerum descendens, & ad cubiti flexuram delata, ibi ligamenta corruerit ( *m* ).

VIII. *Scirrhus* & *cancer* huc etiam faciunt: 1°. siquidem articulares glandulas secretionis muniis reddunt ineptas; 2°. quoniam nervos, vasa, musculos, ligamenta comprimunt, vel distrahunt; vel mali sui indole inficiunt; 3°. quod varias obstructions, nec raro atrophiam producant; 4°. quia irritatione sua dolores horumque symptomata excitant; 5°. denique mole sua motum articuli immediate impediunt.

IX. Nec non *Gangraenam* huc referre auiam sequentibus de causis: 1°. quod partes molliores, tum ossa ambientes, tum ad articulum tendentes, vasa, nervos, musculos, etiam glandulas & ligamenta, destruit; 2°, quoniam humores corrumpit.

X. *Sinus* pariter et *fistulae* non omittendae: quae dolores provocant; instrumenta sensus & motus invadunt aut destruunt; ossibus cariem inducunt; materiem acrem in articuli cavum infundunt, sua quantitate ligamenta distrahentem, partesque articulum constituentes corrodentem.

XI. *Vulnus* quoque ad articulorum obrigescentiam disponit. Vel enim inflammationem doloremque gignit; vel materiam acrem non raro continet, in musculos non tantum, sed et in partes vicinas, vasa, nervosque majores, glandulas, ligamenta, ipsa ossa,

pe-

---

( *m* ) Vid. SWIETENII *Comm. ad Aphor.* БОЕРН. §. 406. Tom. I. pag. 705.

pestiferum emittentem virus, eademque rigefacientem, erodentem; vario modo corrum pentem; aut eadem laxantem, debilitantem, adeoque & ad rhachitidem disponentem; vel ex vulneribus fungi aliaeque excrescentiarum species nascuntur, motum impediennes; vel fasciae vulneribus circumdatae strictura motum & linimenti secretionem impediunt; aut tandem vulnera, enatis emphysematibus, Ancylofi favent. Inprimis autem huc faciunt vulnera venenata; arti toties indomabilem paralyfin excitantia; nec non vulnera sclopetario illata, quae contusio insignis & fractura nonnunquam comitantur. Notabilem atlantis & epistrophes Ancylofin, a vulnere sclopetario relictaeque glande plumbea ortam, adtuli in Dissertatione Academica (n).

XII. *Contusionem* minime excludendam esse, vel sponte oculos incurrit. Nocet tum contusio simplex, tum composita, tum ad ipsum articulum, tum in locis ab articulo remotis facta. *Simplex contusio* nocet, quod saepe ecchymoses producit humorum, qui in quadam parte stagnant, adeoque vicinas comprimunt; aut per stagnationem acres redditi nimis stimulant, contractionibus violentis ansam dant: a quibus symptomatibus pessimas obstructions, earumque sequelas, aliaeque bene multa produci posse, liquet. Multo magis autem nocere *compositam* contusionem, abunde patet; siquidem eo in casu caussarum numerus augetur. Liquet hinc, contusionem non tantum in articulo, sed vel in re-

mo.

---

(n) Vid. §. XXIII. pag. 21. 22. Cf. Tab. I. Fig. IV.



motissimis ab articulo locis nocere; quum nempe partes ad articulum tendentes, muscoli, vasa, nervi comprimantur, vel et alio modo laedantur.

XIII. De *Eccbymosi* jam, in vulneris & contusionis historia satis egi prolixè, ut his acquiescam.

XIV. *Ichor, meliceria, hydrops articulorum*, Ancylosi creandae favent: vel inde, quod tumens articulus & acri humore distensus (a) motum negat; vel exinde, quod maceratis erosisque epiphyseis harumque catilaginibus, succedit ferrumen callum mentiens, ligamenta distrahens & motum impediens. Hoc ferrumen a callo in eo differt, quod non e vasis fracti ossis disruptis, sed e fibris osseis destructis, enascitur. Hinc productam inter radium, carpum & ossa metacarpi quatuor priora Ancylosin observavit TRIOEN (p).

XV. *Rheumatismus*, a frigore corpori calido subito applicato, nocet, ob dolorem, vasa contracta, circulationem impeditam, secretiones, excretiones & resorptionem turbatas, unde synovia stagnans nonnullas mutationes (q) memoratas, huc facientes, subit. Ex hoc rheumatismo causam derivat ill. SWIETENIUS, cur hortulani

(a) Quae distensio aliquando insignis est. Ita doct. REIMARUS *Diff. Cir.* pag. 26. dicit, se capsam articulare genu ultra trium supra patellam pollicum spatium hinc distentam vidisse.

(p) Vid. *Obs. Med. Chir. fascic.* pag. 128. *Tab. IX.* Conf. HEISTERI *Inst. Chirurg. Ed. Belgica Tom. I. Lib. 11. Cap. 1. de Fracturis* pag. 195.

(q) Vid. §. X. N. 11. 80. pag. 16.

tulani & agricolae Ancylofi haud raro laborent (r); quam in eo esse censet, quod corpus antrorsum inflectant, unde tunc spina aestate incalescit, & a cadente pluvia madentibus indusio aliisque vestibus subito refrigerata rheumatismum contrahit, hincque immobilitas, & plenaria tandem ossium concretio oritur, dum spina inflexa manet, & gibbositas, nec arti, neque naturae sanabilis, adest.

XVI. *Arthritis* ad Articulorum rigorem disponit: 1°. quod oritur tantum non semper, a causis diathesin ad immobilitatem constituentibus, v. g. rerum non naturalium abusu, rheumatismo, &c.; 2°. ob insignem, qui eam comitatur, dolorem, motui minus faventem; 3°. quia intemperies arthritica partes molliores corrodit, ossa corrumpit, inflammationes producit; 4°. quia nodos, tumoresque tophaceos, immo veros calculos (s), ad articulos exferit, ita positos, ut motum directe non impedire nequeant, aut partes molliores comprimant, adeoque paralyfin aliaque produciunt; vel tandem, quia enati intra articulum topi nodique, ligamenta rige faciunt, vel distrahunt, & luxationi ansam dant. Ex arthritide enatam Ancylofin vidit non semel PAVVIUS (t).

XVII. *Scorbutus* hic quoque in censum venit, quia acrimonia sua & cacochymia humores inficit, aequabilem elementorum mixturem

---

(r) Vid. *Comm. ad Aph.* BOERH. §. 1492. Tom. V. pag. 658, 659.

(s) Vid. §. X. N. III. cum locis ibidem citatis.

(t) Vid. BONETI *Sepulchr. Anat.* lib. IV. Sect. 6. Obs. 4. §. 1. pag. 429.



tionem destruit, ligamenta corrumpit, infarctiones, inflammationes, spasmodicos insultus creat, ossa corrodit, quin et antea fractorum callum destruit, & ex corrosa ossium superficie varii generis producit excrescentias, unde motus impeditur; quin, destructa externa ossium lamella, ea conferruminat; nec raro in gangraenam terminatur.

XVIII. Pejor longe scorbuto, *Lues Venerea*, eadem, aucta tantum intensitate, producit symptomata.

XIX. Huc faciunt ipsi *Ossium Morbi*: quo pertinent

1°. *Atrophia*. Ossa nimirum, ut reliquae C. H. partes, ut suas rite peragant functiones, debitum exigunt nutrimentum. Ubi jam satis materiae nutritivae ad ossa non accedit, eorum cohaesio minuitur; ita ut facillimo negotio ab adjectis proxime musculis compri- mantur, incurventur, frangantur. Ubi vero satis magna quidem quantitate nutrimentum ossibus apponitur, sed idem illud minus aptum, aut vitiatum fuerit, praeter dicta, materies nutritiva intra ossa stagnat, acris fit, ossa erodit, cariem, praesertim paedarthroca- cen, & alia mala plurima, generat. Ubi haec in juniore aetate obtinent, ossa nondum satis evoluta, deposita in extremis mate- riae copia, defraudatis corporibus, incurvantur, complanantur, ad extrema intumescunt, rhachitis, varia gibbera, exostoses nascun- tur, capita ossium a corporibus separantur, & cum suis acetabulis concrefcere subinde videntur: quod saltem ex osse humeri adulti hominis, quod asservo, & cum quo capita radii ulnaeque con- fluxisse videntur, concludo. Ossa praeterea in adultis non satis,

vel minus bene, nutrita, mole minuuntur: adeo ut vel longissimorum C. H. ossium corpora digitum minimum crassitie aequent, non multum sane superent; quod eximiis, quae penes me sunt, exemplis adultorum ossium demonstrare possem: unde necessario motus impeditur. Nascitur porro universalis atrophia, corporis incrementum impediens, & depravatis solidis, depravatis etiam vel partim, vel penitus, fluidis, macies, tabes, cachexia corpori inducitur; quibus haud raro febris hectica sese comitem adjungit; serius ocys mors tragoediae obducit cortinam. Huic eidem causae mollities ossium, de quo alibi (u), verbo egi, deberi videtur, imminuta ab humorum acrimonia cohaesione. Et hinc derivo, quod asservo & hic omnino ob singularitatem memorare compellor, femoris os sinistrum, cujus caput non, ut solet, cum collo angulum format, sed recta e corpore ossis ipso adscendit, quodque variis gyris mirifice contortum est, quod actioni muscutorum in hoc os, antea mollius, attribuo.

2<sup>o</sup>. *Rhachitis*, quae frequens est in junioribus morbus, raro, si unquam, in adultis observatus, Anglis familiaris, & hinc κατ' ἐξοχήν *Anglicus* dictus, atrophiae admodum affinis; sub quo ossa insigniter mollescent, latefcuntque, ad extrema intumescunt, ad motum figura mutantur; & hac de causa in altero articuli latere multum aliquando a se mutuo distant, adeo ut vel validiore paullulum motu luxentur ossa; in opposito latere ita sibi mutuo apprimuntur,

ut

---

(u) In *Dissert. de Ancylofi* §. II. pag. 3. Not. c.



ut ipforum aliquando superficies deterantur, ossaque invicem concrecant. Nocet etiam rhachitis, quoniam epiphyfes, a corpore ossis solutae, nullam ossi relinquunt stabilitatem, motumque hoc pacto impediunt: tum et, quoniam eadem epiphyfes, nimium turgidae, intra acetabula sua moveri negant, & cum iisdem tandem concrecant. Nocet porro, quia, ubi duo ossa sibi mutuo adstant, ut v. g. in crure, in cubito, latitudine aucta facile coalescunt; quod ex tibia fibulaque insigniter a rhachitide incurvis, sibi in parte ferme media novo quasi articulo, arthrodiae forma, mutuo applicatis, aliisque, quae possideo, conjicere licet. Maxima tandem, quae eam comitatur, cacochymia, ligamenta vitiando, partesque vicinas molliores, ipsa ossa inficiendo, smegma inspissando, coagulando, Ancylosi favet admodum. His accedunt alia, in rhachiticis praesentia. Nempe difficultas motus voluntarii; unde vel decumbere, vel sedere per longum tempus miseri coguntur infantes: accedit respiratio difficilis, cum obstructione glandularum; unde ossa in articulis non satis mota quiescunt, rigescunt fibrae; inspissatur linimentum Haversianum & glutinis vice fungitur; destruitur per natam humorum acrimoniam periosteum; affluit ex ipsa ossium substantia copiosa lymphae corruptae tenacis quantitas; oriuntur novae, variae directionis, fibrae. Ita nonnulla thoracis ossa inter se concrecant. Grave insuper caput voluntario motui vix obedit, cum parte cervicis, vel tota cervice concrecat. Conf. *Acta Phys. Med.* (v), ubi relata

tam

---

(v) Vol. VIII. Obs. 124. pag. 452. seqq.



tam magnae spinae partis cum cervice Ancylofin jam olim memoravi (w).

3°. *Variae gibberum species*, quae vulgo tres recensentur. *Cyphosis* nempe, sive incurvatio spinae posteriora versus; *Scoliosis*, ubi spina latera versus incurvatur; & *Lordosis* denique inflexionem spinae priora versus, in qua spina a posteriore excavata est, denotat. Harum singulae suam ad Ancylofin conferunt symbolam.

*Cyphosis* & *Scoliosis* huc faciunt: siquidem, ubi posteriora versus inflectitur spina, corporibus interjectae cartilagines, quin magna ipsorum corporum pars, deteruntur, plane destruuntur, aut et concrefcunt vertebrarum corpora; immo ipsae costae sibi mutuo appressae coalescunt; tum et, quia muscoli dorsales valide distrahuntur. Ubi autem in latera ineurvatur spina, eadem obtinent, ea tantum cum differentia, ut non tantum corpora vertebrarum, sed et processus transversi multum inde patiantur & invicem confluant. Eodem plane modo nocet *Lordosis*, nisi quod dorsales muscoli non distrahantur, sed e contrario laxentur; nec tantum corpora vertebrarum, sed arcus, omnesque processus ita coalescant. Dicta haec de gibbositatibus, tanquam ad Ancylofin disponentibus, e plurimis, partim antea memoratis (x), partim aliis, tum e propria, tum ex alienis Collectionibus, desumptis speciminibus, si per otium liceret, demonstrare possem. Inprimis autem reticere non debeo

exi-

---

(w) In *Diff. Cit. de Ancylofi*, §. XXII. pag. 21.

(x) Vid. *Ibid.* §. XXIX. pag. 29. seq.



eximiam, quae huc facit, mihiq̄ue, ut ita dicam, nuperrime in manus incidit, duarum vertebrarum cervicis, omniumque dorsi, cum duodecim costis, integris adhuc, & sex saltem aliis abruptis, trium denique vertebrarum lumbarium, Ancylofin, ex adulti, admodum gibbosi, hominis cadavere oriundam. Ex dictis gibberum speciebus insuper paralyfis enasci potest, quo etiam nomine ad Ancylofin faciunt. De variis gibbositatibus conf. Doct. C. H. A ROY (y) & G. COOPMANS (z), nec non clar. Chirurghi P. POTT supplementum ad Tractatum, *de Paralyfi artuum inferiorum ex spinæ incurvatione*, Anglicè conscriptum pulchrisque figuris illustratum, quod belgice nuper & animadversionibus auctum Diario Chirurgico Roterodamensi (a) inseruit doct. M. S. DU PUI, M. D. & Lector Anat. Chir. & Artis obstetriciae Campensis. Totius etiam spinæ gibbosae Ancylofin se possidere retulit HEISTERUS (b).

4°. *Exostosis*, five ossium excrescientia, quorsum et *osteo-skeatoma*, *osteo-sarcoma*, refero, eo nomine in censum venit, five *in ipso articulo*, five *juxta articulum*, five etiam *in loco ab articulo longe remoto* fiat. Haec ut intelligantur, pauca de exostosi praemittenda credidi. *Exostosis* dividitur in tres species; prima est, in qua in ipso ossium canale excrescientia talis enascitur, quae ossa expandit; altera adesse dicitur, ubi inter ipsas ossium fibras talis excrescientia adest; ubi

(y) in *Dissert. de Scoliosi*, L. B. 1774.

(z) In *Dissert. de Cyphosi*, Fran. 1770.

(a) *Genées - Heel - Arzeny - en Vroedkundig Magazyn*, 1783.

(b) In *Inst. Chirurg.* Tom. II. Cap. 109. pag. 870. Ed. Belg.



ubi tandem externam ossis superficiem occupat, obtinet tertia species. Egregiam hanc divisionem tradidit H O U S T E T (c). Talis *exostosis*, ipsum occupans articulum nocet: tum quia motum directe impedit; tum quia ligamenta distrahit; tum quia smegma articulare dissipat, aut condensat; tum denique, quia excrescente duo inter ossa materia ossea ossa ipsa conferruminantur. Quam facile hinc enasci valeat Ancylosis, vel solo pelvis nostrae, antea (d) memoratae, inspectu cognoscitur. *Exostosis juxta articulum* plurimum quoque ad hunc morbum disponit: partim quia motum mechanice impedit; (in duobus autem, quae a servo, altero edentuli, altero junioris, adulti tamen, craniis, in quibus ante foramen magnum, directe ante partem anteriorem atlantis, valida exstat exostosis, licet liber atlantis motus inde absque dubio impeditus fuerit, vera non successit Ancylosis); partim quia ligamenta ossea obducit materia; partim quia, ubi ad articulum pervenit, articuli cavum intrat, sicque, ut vidimus, nocet; partim quia partes vicinas pungit, irritat, comprimit, inflamat; tum denique, quod ipsa ossa, ubi multum progressa est, recipientia receptis circumcrescunt (e), vel directe in unum coeunt. Sed vel *ab articulo remota* huc facit *exostosis*: tum quod partes molles pungit, irritat, inflamat, nervos comprimit, adeoque

con-

---

(c) Vid. *Memoires de l'Acad. R. de Chirurg.* Tom. III. pag. 130. seqq.

(d) In *Diff. cit.* §. XXXVI. pag. 39, seq.

(e) Haec causa in articulo femoris & corae a procrecente circum caput femoris acetabulo non infrequens est; quod multis, partim e mea, partim ex aliorum Collectionibus, in quibus os femoris vel penitus non, vel non nisi certa quadam directione, extrahi se ex acetabulo finit, demonstrare valeo. Conf. *Diff. mea cit.* §. XXXVIII. pag. 41. seq.



convulsiones, dolores, paralyfes producit; tum et quia nimium progressa articulum tandem attingit. Lectu dignissima est historia de flexu corporis antrorsum, per appendicem in sterno, impedito; quam observavit BONETUS (*f*). Ex VESLINGIO simile quid narrat PALFYN (*g*).

5°. *Claudicatio*, five ille morbus, a luxatione haud raro oriundus, quo capita ossium globosa complanantur, & insigne quantum expanduntur, & acetabula vicissim circumcrescunt, diathesin immobilitatis nostrae constituit inde, quia talia ossa, suis in acetabulis rite moveri nequeuntia, sinagma magnam partem, vel penitus exprimunt, obstructiones, inflammationes creant, ligamenta partesque molliores distrahunt, nervos, vasa, glandulas, comprimunt, vel denique cum suis acetabulis concrescunt. Natam in claudicante femoris cum coxa Ancylosin, & ossis Ischii interiora versus degenerationem, memorat A. DE HAEN (*b*).

Eodem nomine, ac claudicatio, atque exostosis, nocent *Excre-scentiae ossium fungosae*, a nonnullis ad neutram illarum relatae: quas tamen ad exostoses, ne nominum multitudine obruamur, referre malo.

6°. *Caries*, quo & ita dictam *ῥήρωσις* refero, cujus specimina in tibia & maxilla inferiore asservo, variis titulis nocet: tum quia saepe generatur a morbis Ancylosi faventibus, v. g. vitiis ligamen-

(*f*) In *Sepulchr. Anat. lib. IV. Sect. 6. Obs. 4. §. 5. pag. 430.*

(*g*) Vid. *Beschryving der Beenderen*, pag. 359. seq.

(*h*) In *Rat. Med. Vol. 1. pag. 306. seq. Edit. Leid.*



mentorū & linimenti, inflammationibus, harumque sequelis, vulneribus, contusionibus, ulceribus, scorbuto, lue venerea, aliis; tum et, quia pro causa agnoscit acre varium, sive mechanicum, seu chemicum, quod ossa ita inficit, ut ossa firmior substantia corrodatur, aut tota saepe pereat; ita aliquando, ut integra pereat ossium soliditas, unde in pulverem quasi fatiscunt. Hac ratione musculorum actionem non ferunt, & membrum immobile redditur: quo tamen in casu rarius solis in ossibus vitium haeret; sed et aliae partes, ligamenta, ipsi musculi inficiuntur, eroduntur, penitusve destruuntur; linimentum Haversii vel coagulatur, vel attenuatur. Carie praeterea ossium crustae cartilagineae, quae nunquam renascuntur (*i*), eroduntur & de ossibus separantur, unde in motu augetur attritus. Tum etiam nocet caries, quia a materia ab ossibus per cariem separata, si prope articulum, vel in ipsomet articulo sit, dictum smegma inspissatur, cum ea in firmiorem compagem concrevit, motuique obstat. Denique, ubi sanatur caries, & exfoliatio adest, nova lamella ossea renata articulum praetergreditur, ligamentis applicatur, vel ipsa immediate compingit.

7°. Nec inter diatheses ad obrigescentiam omittenda est *Spina ventosa*, sive *Paedarthrocace*, quae nocet partim iisdem de causis, quibus caries; partim, quod ossa immaniter tumefacta & dilatata, sibi invicem adstantia confluunt; vel intra suum cavum moveri negant, adeoque illud dilatare conantur, quo cedere nescio,

fyn-

---

(*i*) Vid. PLATNERI *Inst. Chirurg. Rat.* §. 1050.



synoviam, aut partem saltem illius tenuiorem, dissipant, ligamenta musculosque distrahunt, nervos comprimunt, vel et cum suo cavo firmiter concreescunt, aut eo contineri negantia luxationem subeunt. Nocet praeterea ideo, quod ossa ad motum expeditum sat levia non sunt: denique, quod dolor punctorius, a motu auctus, mobilitati resistit: ne de abcessibus veris, tenellorum talia ossa infestantibus, disruptis, defectum in ossibus relinquentibus, callo supplendum, loquar: quales defectus in ulna infantis, cum humero Ancylofin passa, quam possideo, deprehenduntur. Ancylofin a spina ventosa oriundam, quae in collegio Chirurgico Lugdunensi asservatur, femoris cum tibia et patella descripsit & exhibuit TRIOEN (k).

Id praeterea, quod et ad Ancylofin disponit, commune inter se habent caries & Spina ventosa: 1°. quod in utroque morbo asperae & inaequales ossium corruptorum superficies, sibi mutuo applicatae, per vasorum fibrarumque conjunctionem vel corrosionem & feri effusionem in unum os consolidescunt (l). Patet hoc e duabus tibiis fibulisque, quas habeo, lateris dextri, quorum speciminum in altero a spina ventosa per asperas eminentias, quae ligamentum interosseum penetrarunt, illae junguntur; in altero utrumque os, in inferiore parte valde tumidum, planiusculum asperiusque,

---

(k) l. c. pag. 129, seq. Cf. Tab. X. Fig. 2.

(l) Conf. DU VERNEY *Traité des Maladies des Os*, Tom. II. pag. 375. Ed. Belg. pag. 317.



que, ibidem in unum plane os abiit. 2°. Quod utroque in morbo folliculi articulares aliquando corrumpuntur, unde axungiae secretio cessat, vel iidem illi folliculi acriorem humorem articulos erodentem fundunt, quae totidem utriusque Ancyloseos adiunt causae.

8°. Nocere potest *luxatio*, five *non reducta*, five *male*, five *bene reducta*. *Luxationes non reductae, completae*, huc faciunt, quia caput ossis, e suo egressum acetabulo, ossis illius superficiei apprimitur, dum caput ossis luxati, adjutrice natura, prius acetabulum continua pressione & ictu oblitterat, novumque pone praecedens sibi format, in quo, deficientibus ligamentis, musculisque violatis, moveri nequit, adeoque, nisi ut cum suo concre scat acetabulo, nil superest (*m*); quale exemplum antea descripsi & icone illustravi (*n*). Accedit partium vicinarum a luxatione vel distractio, vel compressio.

*Luxationes non reductae incompletae* nocent ob distensionem, vel & aliquando lacerationem, ligamentorum, aliarumque partium distractionem compressionemque; unde motus magis minusve perit, smegma articulare insuper nimia copia colligitur & inspissatur

---

(*m*) Novum ejusmodi acetabulum frequenter in ossium morbosorum Collectionibus invenitur. Quale in femore tractu temporis & continuo motu antrorsum urgetur, & cum priore confluit, illudve plane tegit, manente hujus vestigio; quod mihi ex meis speciminibus persuadeo. Possideo etiam os innominatum, in quo femur e naturali acetabulo elapsum, dein locum magis lateralem & inferiorem in Ischio occupavit, & postea in medio osse Ilium profundum & laeve sibi impressit acetabulum, quod certe rarum est.

(*n*) Vid. *Dissert. de Ancylofi* §. XXXVIII. pag. 41, 42. *Conf. Tab. II. Fig. XXII, XXIII.*



inspissatur & corrumpitur. Natam inde Ancylosin memorat EVERSIUS (o). Quam facile a non reducta luxatione enascatur Ancylosis, docet, quam nuper inveni, epistrophe, cujus processus adscendentes, nominatim dexter, & dentis sinus articularis, multum complanati & laevigati deprehenduntur; qui, ni fallor, temporis tractu cum locis atlantis reciprocis articularibus concrevissent. Docent idem ossa humeri aliaque, quae affervo, quorum extremitates adeo degenerarunt, ut vix ullus in vita motus adfuisse videatur; praeprimis, ut alia varia sicco pede transeam, articulus, in quo ossis humeri caput explanatum valdè est & laevigatum, ut a cavo scapulae glenoideae multum dilatato, & processu coracoideo pariter dilatato, utrisque glaberrimis, recipi queat. Ipsa pars claviculae, acromio naturaliter commissa, glaberrima est. Convenit quadantenus hoc specimen cum eo, quod descripsit clar. BONN (p). Natam a non reducta luxatione Ancylosin humeri cum scapula tradidit J. D. SCHLICHTING (q). *Luxationes male reductae ad Ancylosin disponunt ob partium contorsionem, distractionem, ortumque inde dolorem, inflammationem & ad motum ineptitudinem; quibus accedit compressio partium molliorum. Ipsae denique bene reductae luxationes noxa nondum carent: partim ob causas non sublatas; partim ob distractionem; partim ob nimiam* fa-

---

(o) Vid. RICHTER *Heelk. Boekzaal*, VI. Deel I Stuk. pag. 107, 108.

(p) In *Comment. Cit.* pag. 45. seqq. Conf. Tab. IV.

(q) In *Act. Phys. Med.* T. VII. Obs. 40. pag. 108.

fasciarum constrictionem. In omni praeterea luxatione dolor major minorve, et inflammatio adfunt. Nocent et hinc luxationes, quod iis non raro fracturae, aut alii morbi accedant. Prae caeteris nocent maxime luxationes vertebrarum, offisve sacri, quae medullam spinalem comprimendo paralyfin, & suo detritu callum valent producere, facile ab uno osse ad aliud tendentem eademque connectentem. In hoc casu saepe moriuntur aegri; non tamen semper, ut antea (r) patuit.

9°. Huc refero *Fracturas*; quae ad Ancylofin faciunt, five *in ipso articulo*, five *in locis articulo vicinis*, seu tandem loco *ab articulo remotissimo* fiant. *Fracturam in articulo ipso* huc conferre, quis dubitaverit? si consideret, tum effusum a fractura laticem intra articuli cavum motui resistere; tum, humorem ossi consolidando dicatum (s) vel intra articuli cavum infundi, adeoque necessario ossa conferruminari debere; vel eundem ligamentis circumfusus liberum motum impediturum, quin ipsa ossa temporis progressu praeternaturaliter juncturum. Ancylofin hac de causa natam describit TRIOEN (t). *Fractura in articuli vicinia* hoc respectu nocere potest, vel, quod luxurians callus ab uno osse ad aliud tendit; vel capsulas ligamentaue caetera investit, induratur, adeoque illorum flexilitatem, motui summe necessariam, tollit.

Docet

---

(r) Vid. *Dissert. mea de Ancylofi*, §. XXII. pag. 19. seq.

(s) Vid. HEISTERUS l. c. Tom. I. Lib. 2. Cap. 1. pag. 195. Ed. Belg.

(t) l. c. pag. 129. Cf. Tab. X. Fig. 1.



Docet hoc innominatum, quod possideo, in quo ingens conspicitur acetabulum, e quo femur ob callum enormem, praegressae obliquae trochanterum cum parte colli fracturae sequelam, acetabulum cingentem, educi nequit. Docet etiam hoc Ancylosis ossium pubis, quam descripsi (u). Illustrat hoc pariter, quam inter reliquas coxarum fracturas asservo, fractura ossis ilium ibidem ferme facta, ubi ossi sacro hocnectitur, & ubi a parte interna callus luxuriatus deprehenditur, quem, nisi cum illo osse, ut videtur, concreverit, saltem brevi confluxurum fuisse, confido. Hinc forte, nisi atrophiae aut rhachitidi, & hinc separatis epiphyseibus, attribuere quis malit, derivandum, quod reperiantur ossa plane capitibus orbata, quod inprimis in femoris ossibus observavi, & quasi truncata, attamen ad speciem caeterum satis sana. Quo referre licet adultum femur, in ipso corpore infra trochanteres fracturam aliamve injuriam passum, & hinc incurvum, cujus caput a fractura, ut videtur, deficit, pro quo sinus reperitur, sub quo trochanter minor delitescere videtur. Quae tunc capita cum alterius acetabulis saepe coire videntur. *Fracturae* denique, *ab articulo vel remotissimae*, ut omnes reliquae, ad dirum hoc affectionum genus disponunt inprimis ideo, quod articulus de tempore in tempus rite non moveatur. Si quoque duo ossa sibi invicem prope adjacentia, vel a latere adstantia frangantur, callus ab uno ad aliud progressus, ambo jungit. Egregium Ancyloseos, a fractura ab articulo

remo-

---

(u) In *Dissert. de Ancylosi*, §. XXXVI. pag. 38.



remotissima oriundae, specimen, mihi ab amicissimo commilitone P. JAS, Medicinae Candidato, suppeditatum, hic sistere placet. Conflatur tribus dextri lateris costis, hominis adulti, obliquam ferme in medio, a parte superiore ad inferiorem, fracturam passis, quarum fragmenta satis bene consolidata sunt; a luxuriante tamen callo mutuo coaluerunt, ita quidem, ut in superiori callus ita abundaverit, ut exostosis plana, quodammodo finuata, conspiciatur, quae ad superiorem aliam costam attigisse, non autem cum eadem coaluisse, videtur. Idem in ossium crurum fractura non raro contingit, quod in specimine, mihi olim a clar. G. VAN DOEVEREN benevole suppeditato, patuit (v). Similia ferme varia nuperime nactus sum, in quibus unum spina ventosa simul insigne. Immo, licet alterutrum horum ossium fracturam non fuerit passum, inde oriri posse concretionem, luculenter demonstrat, quod possideo, exemplar; in quo fibula dextra non longe a malleolo fracta oblique per callum coaluit, quo callo tibia quoque, nullam injuriam passa, a latere est obducta, ita ut haec exostosis fibulam versus sistat, reciproce fibulae, ginglymi forma, respondentem, attamen ab ea solutam. Quin etiam fractura prope extremitatem ossis superiorem facta Ancylosin cum osse alio, licet inferiore, producere posse videtur. Ita concludo ex insigni, quod penes me est, fracturae per callum sanatae exemplo. Hoc femur constituit dextrum, ad cervicem & trochanterem utrumque obliquam fracturam passum, cujus

---

(v) Vid. *Diff. Cit.* §. XLII. pag. 46. Cf. *Tab. II. Fig. XXVI.*



cujus callus luxurians, inferiora versus descendens, trium & ultra pollicum longitudinem adhuc aequat, licet pars abrupta videatur. Si jam tale quid in brevioribus ossibus fiat; hinc extremitatis a fractura immunis cum vicino osse non sequi non potest concretio. Praeterea, ut callus in dicto casu ad tantam longitudinem proferat, quidni et lapsu temporis ad crus potuisset progredi? Nocent praeterea in genere fracturae, ob partium vicinarum compressionem, irritationem & inflammationem: quibus accedit nimia fasciarum thecarumque constrictio, & articulorum quies. Non omnis tamen aequae fractura nocet. Nocet imprimis fractura patellae transversa, per callum sanata, quo in casu tibia cum femore coalescit; non quidem semper, at indubie, quoties mola tota comminuta est (w). De Ancylosi spuria a rotula fracta, motu sanata, vid. PETIT (x). Magis vero nocet fractura columnae vertebralis, vel ossis sacri. Fractis etenim his, comprimitur magis minusve contenta intra specum medulla; unde oriuntur ea in parte obstructio, inflammatio, hujusque sequelae; vel et omnes, quae ab hac medulla suos recipiunt nervos, partes inde paralyticae evadunt; & variae aliquando a tali fractura oriuntur gibberum species. Rarissime, fateor, supermanent aegri: legi interim meretur historia viri, cum tali fractura per octo annos superstitis (y).

Possideo

---

(w) Vid. Clar. CAMPER in *Diff. cit.* ab J. KOOLE publice defensa, §. XII, XIV. Obs. 9, 10. §. XVI. Obs. 11, 12. cum l. c. & §. XIX.

(x) *Traité des Maladies des Os*, Tom. I. pag. 321.

(y) In *Ephem. Nat. Curios.* Cent. I. Obs. 1. Conf. *Diff. mea de Ancylosi* §. XXIII. pag. 21, 22.



Possideo etiam ossa sacra, in quibus fracturae firmo callo sunt sanatae. Nonnulla adhuc de fracturis ad Ancylosin magis minusve disponentibus occurrunt a MOSCATI & BAILLERON tradita (z), quae hic repetere non vacat.

Quod a fractura aequae, ac luxatione nata Ancylosi articuli saepe inflectantur, monet ill. SWIETENIUS (a), inde fieri, quod musculi flexores extensoribus praevalere solent; quod tamen in crure non fieri, antea ex DU VERNEY monui (b).

Dicta de Ossium Morbis pro nostro scopo sufficiunt, alia inprimis ex PETITO (c) & DU VERNEY (d) hauriri poterunt.

XX. Huc denique referendus videtur *materiae morbificae ad articulos ne astitis*; unde Ancylosis aliquando enata fuit. Hinc v. g. derivare licet Ancylosin, quam ab eodem morbo in utroque cubito, absque tumore & dolore, relictam, unguentis nervinis & leni motu sanasse J. VAN WYCK, scribit doct. REIMARUS (e). Ipse obrigescentiam in poplite, a febre biliosa vehementi, observavi. Nec, si talis, quaecunque sit, materiae acrimoniam, summas in corpore turbas producendo aptam, humorumque acrium versus quemdam articulum decubitum consideraverit, hoc mirabitur ullus.

## §. XII.

(z) Vid. *Mem. de l'Acad. Roy. de Chirurg. Tom. IV. pag. 614, seqq. & 624. seq.*

(a) Vid. *Comm. in Aph. BOERH. §. 556. pag. 951. seq.*

(b) Vid. *Diss. mea de Ancylosi, §. XLVI. pag. 49.*

(c) *Traité des Maladies des Os, Par. 1749.*

(d) *Traité des Maladies des Os, Par. 1751. Ed. Belg. Amst. 1756.*

(e) In *Dissert. de Fungo ligamentorum, pag. 23. Not. c.*



## §. XII.

Jam caussarum satis. Patet ex dictis, ad constituendam Ancylosin requiri caussarum præcatarteticarum & proëgumenarum concursum, quo posito sequitur ipse morbus. Harum autem caussarum alterutram absque altera non sufficere, earumque concursum providae Naturae nutu utplurimum deficere, ex iis, quae de vi distrahente, aliisque dicta sunt, abunde liquet. Inprimis autem luce meridiana elucescit clarius ex singulari, quam inter varias alias asservo, claviculae fractura; cujus extremitas, cum summo humero naturaliter articulata, fracturam subiit, callo redintegrata, quae tamen, ob causae occasionalis defectum, cum scapula non confluisse deprehenditur. Idem de aliis verum est. Sed ad Symptomata enarranda propero.

## C A P U T I I.

## DE ANCYLOSE OS SYMPTOMATIBUS.

## §. XIII.

**I**n hoc capite haud male versaturus mihi videor, si ordine agam I°. de Symptomatibus caussarum; II°. de Symptomatibus morbi; III°. de Symptomatibus symptomatum; IV°. de symptomate auxiliari; V°. de Ancylosi morborum remedio.

## §. XIV.

## §. XIV.

Ad *Symptomata Caussarum* referri possunt

I. *Dolor*: qui ex enarratis caussis quam facile hic nascatur, norunt omnes, qui dolorem pro indice imminētis periculi, cum GAUBIO (f), salutant.

II. *Διὰ πῆδης*, quae a vi distrahente, a luxatione, fractura, claudicatione aliisque, oritur; quibus fit, ut ligamenta & muscoli, horumque vasa ita distendantur, ut humor, qui iis contineri debebat, transsudet & dissipetur.

III. *Vasorum, aliarumque partium inertia*, quae a vi distrahente, comprimente, contorquente, aliisque oritur; siquidem his de causis illae partes tonum amittunt, & vasa nec liquidum accipere, nec apto satis modo in contenta agere, adeoque nec acceptum antea liquidum propellere valent.

IV. *Membrī situs perversus* ex valida contorsione, qua totum membrum invertitur, ex luxatione, fractura, &c. oritur: quibus fit, ut membrum a naturali situ devians motui voluntario non obtemperet, & eo in situ, nisi in auxilium vocetur manus perita, remanere cogatur.

V. *Διὰ λείψης* huc facit, quam ab erosione, ustione, scissione, a vulneribus, ulceribus, scorbuto, lue venerea, rhachitide aliisque malis oriri, dubitabit nemo, si consulat GAUBIUM (g).

VI.

(f) Vid. *Inst. Pathol. Med.* §. 675.

(g) In *Inst. Pathol. Med.* §. 204. N. 3.



VI. Iisdem de causis nascitur *Nervorum destructio*.

VII. *Attritus* solito major, & hinc *strepitus*, fiunt a defectu, vel inspissatione smegmatis Haversiani; quod lubricando motui interservit. Hoc ergo non sufficiente, alliduntur sibi invicem ossa, augetur attritus, & ad minimum motum strepitus auditur. Hujus exemplum memorat J. VAN WYCK (b), in aëgra 20 annorum, cui hac de causa maxillae commissurae ita rigebant, ut manibus aperiendae essent, & ab adstantibus crepitus audiretur. Idem malum ab heterogénéis intra articulum contentis, glandularum tumore, aliisque nasci potest.

VIII. *Hydrops articulorum* ab eadem synovia nimis serosa oritur; siquidem illud serum, impedito motu, non satis dissipatur, adeoque novo accedente hydropem producit. Idem symptoma et a stagnante vel corrupto linimento oriri, quibus iusta particularum miscela perditur, vix dubitandum est. Idem a corporibus heterogénéis in articulo contentis aliisque nascitur, quae motum directe impediendo, & vasa comprimendo huc faciunt.

IX. *Vasorum obstructio*, vel *Symphysis*, ab axungia, nimias partes mucosas, glutinosas, aut et minus olei, continente, oritur: quoniam tenaciore materia obstruit vasa resorbentia, & cum his concrevit. Idem et a materia ejusdem linimenti crassiore, & per stagnationem a tenuiore separata, accidere potest.

X. *Tumores* nascuntur ab inspissato, vel a nimio, vel a stagnante

(b) Vid. Aanmerk. N. 43. cf. REFMARI Diss. cit. pag. 28.



smegmate articulari, nec non ab hydrarthro & pure, & heterogeneis in articuli cavo contentis, capsularia ligamenta distendentibus. Oriuntur insuper ab intorsione, qua fit, ut ossium eminentiae insolito appareant loco; a ligamentorum etiam tumore, ab obstructione, inflammatione, scirrho, emphysemate. Tales pariter producant ossium epiphyfes rhachitide tumentes, gibbera varia, exostoses; nec non claudicationes. Porro tumores nascuntur a luxatione vel penitus non, vel minus bene reducta. Nec mirum. Tunc enim caput unius ossis non intra alterius acetabulum haeret, sed extra illud ponitur; quo simul in casu fovea quaedam juxta tumorem in naturali acetabulo percipi solet. Tumores tandem producantur a calli, fractas olim ossium partes consolidantis, luxurie, exostosi, aliisque.

**XI.** *Luxatio* a stagnante, a nimia copia secreto, vel minus resorpto linimento, vel a corporibus heterogeneis in articulo contentis, nec non a glandularum Cowperianarum tumore, ut et a ligamentorum debilitate, aut a musculorum ligamentorumque disruptione, quibus ossa e suis acetabulis expelluntur, nec intra eadem contineri queunt, producitur.

**XII.** *Ligamentorum, cartilaginum, ossium corruptio, ulcera, abscessus, musculorum ligamentorumque spasmi, ligamentorum mollities,* oriuntur a linimenti aliave quacunque acrimonia, partes vicinas vel irritante, vel destruyente & pro varia parte affecta horum alia aliaque producantur.

**XIII.** *Atrophia* axungiae acri intra vasa resorbentia receptae, item errori nutrimenti, ulceribus, rhachitidi, aliisque causis debetur.



XIV. *Articulorum inflexio* oritur a musculorum ligamentorumque accurtatione, & spasmò, quo partem versus, unde illi tendunt, pars affecta trahitur.

XV. *Ligamentorum ossificatio* ab eorum duritie, sensim incremente, fit.

XVI. *Linimenti effusionem* a diffractis ligamentis oriri, demonstratione non indiget.

XVII. *Suppuratio, scirrhus, cancer, gangraena, sphacelus, glandularum destructio*, ut facile liquet, ab inflammatione nascuntur.

XVIII. *Caries, spina ventosa*, a linimenti acrimonia, ulceribus, a scorbuto, lue venerea, atrophia, rhachitide, in quibus maxima adest acrimonia, vel progressu temporis nascitur, efficiuntur.

#### §. XI V.

Quae ex ipsa *Ancylosi* redundant, *symptomata*, sunt:

I. *Musculorum inertia*; quae inde oritur, quod, immobili articulo, musculi, ad movendum illum destinati, sua munia obire, quamdiu immobilitas superest, plane nequeunt.

II. *Deformitas* nascitur, partim, quod motus homini multum venustatis conciliat, quam tollit Ancylosis; tum quod in malo situ positi sunt articuli immobiles; tum quod Ancylosin haud raro tumor comitatur. Ne loquar de vultus alteratione ex doloris molestia & taedio, ut in aliis morbis, praesertim diu infestantibus, generari solita.



III. *Artus brevitās* fit ex eo, quod, ubi dissipata axungia ossa concreſcunt, corpus intermedium inter duo ossa ſublātum fit, quae ſe invicem tangunt proxime.

IV. *Artus elongatio* inde fit, quoniam, ſinegmate in os indurato, aut praefente in articulo exoſtoſi, intervallum inter duo ossa neceſſario augetur.

V. Varii defectus pro vario articulo laeſo. Huc ſpectant

I°. *Auditus impeditus*, ſive ſit Βαρυνος, ſive ſenſus ille plane ſublatus, producitur ab immobilibus per Ancyloſin vel nonnullis, vel omnibus, auditus officiis. Ita v. g. ubi malleus cum incude concrevit, malleus, per tympani membranā, ab acceptis & in tubo acuſtico concentratis undis ſonoris tremulā, affectus, cum incude receptos ſonos communicare vel penitus non, vel non rite ſaltem, poterit. Si ſtapes cum incude, mediante officulo lentiformi, ſi cum fenestra ovali concreverit, ſuo tremore ſonos in labyrinthum perducere, ut naturale eſt, non poterit. Patet adeoque, ab Ancyloſi dictorum offium vel imminui, vel depravari, vel integre aboleri auditum, prout vel quaedam, vel omnia, vel alterutrius, vel utriusque auris, concreverint officula. Hoc diriffimi huius vitii ſymptoma memorarunt GAUBIUS (i), & Aeſtun. in Academia Trajectina Praeceptor, clar. J. OOSTERDYK SCHACHT (k). Immo & hanc ſurditatis immedicabilis cauſſam in cadavere hominis

(i) In *Inst. Pathol. Med.* §. 704.

(k) In *Inst. Pract. Part. II. Lib. 3. Cap. 1. §. 15. N. 3.*



nis durante vita surdi reperit clar. Argentoratensis Professor J. F. LOBSTEIN, recensetque clar. P. F. MECKELIUS (1).

2°. *Manducatio impedita* nascitur necessario ex maxillae inferioris concretione cum capite. Nec mirum: quum haec actio in reciproca mandibulorum abductione & adductione consistat; quae, immobili maxilla inferiore, fieri nequeunt. Hoc etiam Ancyloseos symptoma memoravit GAUBIUS (m).

3°. *Loquela impedita, & Aponia*, itidem inter diri hujus affectionum generis symptomata locum merentur. Per Ancylosin etenim immobili maxilla inferiore, variae litterae rite pronunciari negant. Coalescentibus cornubus ossis hyoidis cum basi ejusdem, vel (quod magis) ossificatis laryngis cartilaginibus, quod nonnunquam fieri antea (n) probavi, iisque tunc Ancylosin constituentibus, litterarum pronunciatio, & soni modificatio ad cantum, fieri nequeunt; quod multis demonstrare non opus censeo. Facit etiam huc, quod in homine rauco cartilagines laryngis in os versaе & thyreoidea fissa fuerit observata (o).

4°. *Respiratio impedita.* Ad respirationem enim requiritur, ut in ipso inspirationis actu dilatetur thorax vario, & triplici quidem modo: longitudine, cedente inferiora versus diaphragmate; ex profundo,

---

(1) In *Thesi* 9. post *Dissert. de Labyrinthi auris contentis Argent.* 1777. Cf. *Diss. meae Acad. Mantissa* N. 2. pag. 54, 55.

(m) l. c. §. 794. Conf. *Dissert. mea de Ancylosi*, in *Mantissa*, N. 2. pag. 55. seq.

(n) Vid. *Diss. cit.* pag. 53. seq. Conf. doct. B. LULLI, amici integerrimi, *Diss. Inauguralis de Nutritione*, nuperrime publice hac in Academia defensa; pag. 27.

(o) Vid. *Ephemer. Nat. Curios* Vol. X. Obs. 13. Cl. VOGEL *Prael.* §. 589.



fundo, ubi, costis superiora versus sublatis, attollitur sternum; tandem latitudine, ipsis costis elevatis. Si jam costae cum vertebrae, vel cum sterno, vel cum utrisque coaluerint, si unum alterumve horum, cratem hanc osseam constituentium, instrumentorum, suis muniis rite exsequendis ineptum sit; dilatatio illa ex latitudine & ex profundo fieri non poterit: eo magis, ubi ab effuso in interioribus callo, aut a nata exostosi, illa concretio fuerit facta. Tali itaque in casu debite expandi pulmones nequeunt, respirationi obex ponitur, organa pneumatica aërem vix admittunt. Habet et hoc symptoma GAUBIUS (*p*). Offescentiam quoque cartilaginum costarum & sterni inter causas asthmatis refert clar. R. A. VOGELIUS (*q*).

5°. *Partus difficilis* a concretionem ossium pelvis oritur: quod ut pateat, nonnulla ex arte obstetricia ut repetam, necessarium duco. In foemina nempe parturiente, quo majus exituro foetui concedatur spatium, ligamenta, ossa pelvis invicem nectentia, determinato majore humorum versus genitalia affluxu, emolliuntur, elongantur, adeo ut aliquot lineas a se mutuo diducantur pubis ossa; ossa coccygis autem ex interioribus posteriora versus diriguntur, & ex arcuata forma magis eriguntur: quo tunc insigniter augetur pelvis capacitas. Hanc dilatationem tantum non omnes hujus aevi statuunt eruditi, & antea probavi (*r*). Negant eam tamen nonnulli, inter quos, omnium sibi in hac re visus oculatissimus, C. VON KRAFF (*s*). Nec mirum:

---

(*p*) l. c. §. 765.

(*q*) Vid. *Prael. Acad. de Cogn. & Cur. praecip. C. H. Affect.* §. 597.

(*r*) In *Dissert. de Ancylofi*, §. XXXV. pag. 37.

(*s*) Vid. *Anatomische versuche und anmerckungen &c.*



mirum: scilicet chondrarthrosin ossium pubis frequenter satis, sed absque ullo praesente teste, observavit ossëam. De dicta vero dilatatione conf. amicus noster integerrimus J. P. MICHELL, Practicus inter Amstelaedamenses jam eximius, qui ponderosissimis haud sane ponderosas C. KRAPPII aliorumque objectiones refutavit argumentis (t). Dum jam mihi constat, ossa pelvim constituentia in partu cedere; evidens censeo, ubi illa inter se coalescunt, os nempe sacrum cum coccyge, vel innominato utroque, vel alterutro, vel omnibus simul, five absit, five adsit pubis ossium praeternaturalis junctura (u), hanc dilatationem fieri non posse & partum fore difficilem: praesertim, ubi concretionem formaverit exostosis, five callo, five ligamentorum ossificationi suos debens natales; hinc etenim major exituro foetui nascitur resistentia, majusque obstaculum pariturae, quae difficulter, nec sine praesenti vel foetus, vel sui ipsius, vel utriusque periculo naturae molimen promoveri tentat, & lethales futuros Ancyloseos deplorat effectus. Hujus inprimis symptomatis ratio intelligitur, si huic five totius pelvis, five duorum pluriumve hujus ossium, Ancylosi, vario modo, inprimis cum exostosi factae, accedat diametrorum pelvis a recta deflexio aut brevitās, adeoque pelvis quoad capacitatem imminutio. Tale quid mihi, ne de meo (§. XXXVI.) allegato specimine, aliisque bene multis diametrorum pelvis

---

(t) In *Egregio de Synchodrotomia Pubis Comment.* nuperrime Amstel. ed. Sect. II. Cap. 1.

(u) Conf. *diff. mea cit.* §. XXXIV. — XXXVI. nec non doct. MICHELL *Comm. cit.* pag. 104, seqq. ubi ab egregio Practico Dordraceno J. B. CROLIIO sibi suppeditatae pelvis tradit descriptionem. Cf. *Tabulae*.



vis a naturali statu deviationibus, loquar, inprimis liquet ex eximio, mihi nuperrime allato, ossis sacri cum primo coccygis & innominato dextro confluxu plenario: in quo notandum, os sacrum solitam habere adutorum longitudinem, & in sinistra parte, excepta cum coccyge Ancylofi, satis esse naturale, in dextra autem quatuor, quibus gaudet, foraminum superius esse perparvum, forma ovali, reliqua magis oblonga, adeo compressa, ut nervis e medulla spinali tendentibus spatium relictum fuerit perexiguum, quorum foraminum tenui margine os sacrum illo in latere finitur, adeoque ibidem multo minorem, quam in opposito habuit latitudinem. Haec forsan causa fuit, quare coxae dextrae os atrophicum quasi sit & dimidiam vix adulti magnitudinem aequet; dum sinistrum, quod non coaluit, magis naturale fuisse videtur. Ex hac atrophica constitutione, etiam factum, ut diameter conjugata, (si recta fuerit, quod non videtur ex parte superstite concludendum,) tres saltem pollices non superaverit, vix, credo, aequaverit, femurque pariter atrophicum fuerit.

6°. *Incessus difficilis.* Scilicet, ut rite incedere homo valeat, naturalis requiritur cruris, tarfi, metatarfi, digitorumque mobilitas. Ubi jam crus cum tarso, qualia specimina (v) attuli, aut simul cum metatarso, quale exemplum etiam possideo, concrevit, aegrum rite incedere non posse, quis dubitet?

7°. Varia alia symptomata, pro varia parte affecta, hic brevitate causa omitto.

§. XVI.

---

(v) In *Dissert. de Ancylofi*, §. XLIII.



§. X V I.

Ad *Symptomata* dictorum *Symptomatum* nunc transiens, praecipua tantum quaedam delineabo.

I. *Convulsiones* a dolore vehementi enasci posse, non est quod demonstrem.

II. Per *διαπήδησιν*, multo magis per *διαίρεσιν*, *haemorrhagias* & *aneurysmata spuria* oriri posse, vel me non monente liquet.

III. *Aneurysmata* et *varices*, a vasorum dilatatione, vel forte et ab eorundem compressione per *ecchymosin* a *diaeresi* natam, nasci possunt. Etenim, pone locum compressum accumulatur contentum in canalibus liquidum, quod illas partes extendit, tumoresque generat, qui in arteriis *aneurysmata*, in venis *varices* audiunt; quod imprimis fit, ubi vasorum tunicae distensae vel laesae debitam contentis negant resistantiam. Ubi vero comprimuntur canales nervosi, *paralysis* adest.

IV. *Obstructiones*, *inflammationes*, earumque *sequelae*. A dilatatis enim vel compressis eadem de causa canalibus, stagnat in his, vel vicinis vasis, liquidum, eaque obstruit; immo, accedente motu spasmodico, inflammatio nascitur. Eadem effecta a sola vi comprimente, non enata *διαπήδησει* aut *διαίρεσει*, enascuntur.

V. *Unius lateris exsuperantia* inde oritur, quod ab *Ancylofi* artus, ut vidimus, vel elongatur, vel accurtatur; unde alterum latus alterum superat.

VI. *Claudicatio* ab hac exsuperantia oritur; quod demonstrare non opus censeo.

H

VII. Ci-



VII. *Ciborum deglutitio, concoctio, adeoque digestio, impedita;* inde oritur, quod cibi, antequam deglutiuntur, manducari nequeant, adeoque difficulter in ventriculum propellantur, saliva etiam non rite subacti: unde porro cruditates in ventriculo, fordes in intestinis, primarum viarum infarctus, chyli vitia, hinc omnium humorum depravatio, insequuntur.

VIII. *Circulatio impedita* imprimis ex impedita respiratione nascitur, quia pulmones rite expandi nequeunt, adeoque sanguis e ventriculo cordis anteriore in posteriorem propelli negat: & si majori gradu vexetur respiratio, aneurysmata, polypi, peripneumoniae, haemoptyses, aliaque sequuntur mala. In variis similiter aliis partibus natae Ancylofes circulationem impedire possunt, compressione vasorum majorum accumbentium, eorumque varia laesione.

IX. *Secretio impedita* a male affecta sanguinis, ex quo varii feceruntur humores, circulatione oritur.

X. *Mors*, ubi variae in corpore adsunt Ancylofes, fatalem iis imponit terminum, quia variae inde laeduntur functiones; vel etiam, ubi Ancylosis vitalia afficit, v.g. thoracem, aut ex callo, a fracta columna vertebrali producto, vertebrarumque canalē obstruente & medullam comprimente, exorta est. In senibus quoque, deficiente jam musculorum, diaphragmatis imprimis, actione, respiratio & hinc circulatio languent, intermittunt, cor palpitat: donec, sanguine pulmonibus superandis impare, cordis actio tandem cessat, adeoque tacite aliquando animam efflant, & miserae vitae terminum attingunt.



## §. XVII.

Symptoma Naturae auxiliare constituit febris, variol nomine in Ancylofi laudanda: tum quod Ancylofeos causas, aëxungiae inspissationem, accumulationem, acrimoniam, obstructions, aliaque feliciter tollit; tum quod ipsam Ancylofin, spuriam nempe, feliciter subinde sanat. Alio etiam modo, nempe ossium extrema expolien- do, Ancylofin pro tempore praeventere Naturam, antea monui (u).

## §. XVIII.

Ipfa denique Ancylosis aliorum aliquando morborum existit re-  
medium. Ubi v. g. ligamenta, vel muscoli debilitate laborant, Na-  
tura illud vitium, enata Ancylofi, sanat; quod post distractiones,  
luxationes, &c. fieri conducit. Similiter, ubi ossa luxata novum  
jam sibi formarunt acetabulum, in quo per ligamenta non retinen-  
tur, ut tamen musculis obediant, Natura illius acetabuli marginem  
(quod ex memoratis antea speciminibus patet,) protrudit, intra quem  
conclusa quadantenus moveri possunt ossa, absque eo, ut novae luxa-  
tionis metus sit. Ita et, ubi epiphyfes a corpore suorum ossium se-  
paratae cum suo concreverint acetabulo, & cum ossis corpore arti-  
culum importunum formaverint, proderit utique, si denuo cum  
eodem corpore coalescant. Observatum etiam est, a fracturis, ob  
cacochymiam aliudve vitium non coalitis, inter fragmenta no-

(u) Vid. §. X. IV. 11. 1<sup>o</sup>. pag. 14.



vum quasi articulum fuisse formatum: quod docuit J. SALTZMAN-  
NUS (x). Similem a fractura ossium cubiti superstitem descripsit,  
& icone illustravit doct. SILVESTER (y), quod specimen as-  
servavit DU VERNEY (z). Quo et referre licet, quod possi-  
deo, os innominatum, ubi ad os pubis talis novus conspicitur quasi  
articulus, & partes duae separatae glaberrimae ginglymi in modum  
antea nexae videntur, sed jam destructa cartilagine intermedia tan-  
tillum distant. Ubi jam hoc fit, Natura enata Ancylosi hoc vi-  
tium penitus extirpare valebit.

De Symptomatibus hæc dicta suffecerint: reliqua, siqua sint,  
facile ex dictis intelligentur.

---

## C A P U T I I I.

### DE ANCYLOSEOS DIAGNOSI ET PROGNOSI.

#### §. XIX.

U t rite instituatur morbi curatio, prius per sua signa cognosci  
debet. Videamus itaque, quatenus dicti saepius mali sit Diagnosis.

#### §. XX.

---

(x) Vid. *Dissert. de Articulationibus analogis, quae fracturis ossium superveniunt*, Argent. 1718. Conf. PLATNERUS l. c. §. 1225.

(y) Conf. *Act. Erud. Lips. Ann.* 1685. pag. 513. seqq. & Tab. XIII. Fig. 4.

(z) Conf. *Traité des Malad. des Os*, Tom. 1. pag. 328. Ed. Belg. pag. 280.



## §. XX.

Ancyloseos Causae variae ex antegressis facillime patent, tum et ex symptomatum concursu dignoscuntur. Praecipua modo, ad *Diagnosin Causarum* spectantia, brevitatis gratia, verbo attingam.

A *Distractione* aut *contorsione* natam esse obrigescentiam, vulnera, haemorrhagiae, membri elongatio, mutatus situs, tumores, articuli debilitas & inertia, fractura, luxatio aliaque denotant.

*Vim comprimentem* in causa fuisse, e fractura, luxatione, exostosi, obstructione, inflammatione, contusione, paralyfi, aneurysmatibus & varicibus, inprimis dignoscimus.

*Vim urentem, rodentem, scindentem* fomitem mali esse, aneurysmata & varices, haemorrhagiae, vulnera, ulcera, inflammatio ejusque sequelae & caries, inprimis docent.

A *smegmatis defectu* oriundam Ancylosin attritus, strepitus articuli ad motum, dolor, artus brevitates discernunt: ab *abundantia ejusdem* natam tumor, initio mollis, durior deinde, membri elongatio, fluctuatio in articulo, luxatio; ab *acrimonia* smegmatis productam ulcera, ligamentorum muscutorumque motus convulsivi, eorundemque, nec non cartilaginum, erosio, corruptio, ossium caries, atrophia aliaque cacochymiae in corpore signa, evincunt.

Quae ab *articulorum hydrope & synovia nimium serosa* producitur, ex tumore ad articulum molli, cedente, luxatione, membri elongatione, & fluctuatione majore, satis dignoscitur.



Quae a *rhachitide*, a *paedarthrocace* nata est, ex praesentis acrimoniae indiciis, temperie, aetate juniore, ossium tumore & incurvatione, ulceribus & cachexia, imprimis cognoscitur.

Reliqua ex praegressis, & propriis signis diagnosticis, & collatis iis, quae de symptomatibus protuli, magis minusve patefcunt.

### §. XXI.

*Diagnos* ipsius Morbi per se, & ex data antea (a) definitione, patet: qua propter de hac vel minimum monere supersedeo; nisi id unicum, quod *vera Ancylosis* a *spuria* non facile distinguatur, nisi forte praegressae causae, v. g. *exostosis*, vel fractura in articulo, vel ei proxima, mali pertinacia, aliaque Diagnosin reddant certiore.

### §. XXII.

Jam de Cura agendum foret. Prius tamen perpendere juvabit, quae Ancylosis sanabilis sit, quae vero sanari neget, quod docebit *Prognosis*.

### §. XXIII.

Veram Ancylosin plane curari non posse, a priori plerumque liquet, siquidem concreta ossa emollire & semovere qui valeret, magnus

---

(a) In *Diff. de Ancylosi*, §. XIV. pag. 14.



gnus in praxi Medicâ foret Apollo. Hoc qui tentaret, Sisyphi saxum volveret. De hoc etenim malo valet illud Poëtae (b) effatum:

*Principiis obsta: sero medicina paratur,*

*Quum mala per longas invaluere moras.*

#### §. XXIV.

Ancylosis autem spuria non raro sanari potest, & sane aliquantulum protracta sanata aliquando fuit, ut infra patebit.

Quae a *rerum non naturalium* nascitur vitio, saepe sanari se patitur; saepe negat, pessima imprimis, quae a diuturno spirituosorum abusu, quibus homo ante senium fenescit, oritur.

Quae a *distractione & contorsione* oritur, non male ominatur, nisi molliores partes tonum adeo amiserint, ut restitui plane nequeant, symptomata appareant vehementia, & axungiae accumulatio aliudve vitium accedat.

A *compressione* oriunda, nisi symptomata vehementia, vel insolita, tumor, inflammatio, dolorque fuerint majores, facile tollitur.

Pessime praesagit, quae a *vi urente, rodente, scindente*, enascitur: siquidem, corruptis musculis, ligamentis, cartilaginibus, ossibus, aliisque, rara medela; licet tamen pro varia causae intensitate & vario agendi modo differat Prognosis; & imprimis male ominentur vis rodens & urens.

Quae

---

(b) OVIDII de Remed. amoris, vs. 91. seq.



Quae a *Senio* nascitur, haud facile, ob solidorum rigiditatem & torporem, fluidorumque lentorem, sanatur.

Quae a *defectu linimenti Haversiani* enata est, Ancylosis, nisi defectus immedicabili vitio debeatur, melius praesagit, quam quae ab ejus *accumulatione*, *stagnatione* inprimis, oritur: quoniam hoc in casu *acrimonia* non raro accedit, qua vel totus articulus afficitur, corroditur, corrumpitur; similia patiuntur partes vicinae, dolores, convulsiones, ulcera, caries aliaque nascuntur, & acre resorptum universalem inducit corpori cacochymiam & atrophiam.

Ubi vero *nimia feri pars*, aut *nimum muci*, aut *nimiae partes salino-glutinosae*, aut *oleum deficiens* peccant, si recens est malum, non male adeo ominatur; pejus, ubi inveteratum est.

Quae nascitur, ubi *linimentum cum alio succo misceatur*, facile non curatur Ancylosis; inprimis, si succus ille acer fuerit.

Quae ab *heterogeneis in articulo contentis* nascitur, nisi haec cum eo concreverint, fatis facile tolli potest.

*A tela, cartilagine leviter neciente*, producta facile vi externa sanatur.

*A tumore glandularum Cowperianarum* natam Ancylosin tollere difficile, si non *ἀδύνατον* pro varia autem tumoris natura Prognosis variat.

Nec magnam praebent sanationis spem, quae ab *errore nutrimenti* & *unius lateris exsuperantia* enatae sunt, Ancylofes. Nullam dant, quae *labi hereditariae*, vel *morbo congenito* debentur.

*Vitia partu acquisita* ubi Ancylosin creaverunt, aliquando sanationem admittit; quod pro varia eorum natura determinare Chirurgus debet.

Quam



Quam *musculorum ligamentorumve accurtatio* produxit, Ancylo-  
 losis sanationem non facile admittit; minus tamen illa, quae eo-  
 rundem longitudini debetur.

Quae *musculorum vel ligamentorum spasmus*, aut *paralysin*, pro  
 caussa habet, ubi suo tempore advocatur Chirurgus, & ferocia ab-  
 sunt symptomata, tolli facile praesens Ancylo-  
 losis, non autem sem-  
 per malum radicitus sanari valet.

Quae a *ligamentorum debilitate* exorta est articuli obrigescentia  
 spuria, nisi fomes mali extirpari nequeat, & graviora accedant  
 symptomata, facile sanatur.

Minus bene ominatur, quae a *ligamentorum rigiditate*; pessime,  
 quae ab incipiente *chondrogenia*, vel *osteogenia* ortum ducit: quo-  
 niam dura emollire, cartilagini, vel ossi, flexibilitatem conciliare,  
 non parvus sane labor.

*Ligamentorum* autem *tumor* quo validior, & magis inveteratus,  
 eo periculosior: aliquando tamen ab eo enata Ancylo-  
 losis sanari valet.

Quam *musculorum ligamentorumve disruptio* produxit, Ancylo-  
 losis aliquando, ubi symptomata mala absunt, & vulnus recens est,  
 haud ita mali est praesagii.

Ubi ex *obstructione*, vel *inflammatione*, enata est Ancylo-  
 losis spuria, si recentes adhuc illae sint, nec nimis vehementes, sana-  
 tionis spes superest. Sin vero inveteratae & male fuerint tracta-  
 tae, raro sanabitur.

Ubi vehemens *suppuratio*, *ulcera*, *scirrhus*, aut *cancer*, *gangrae-  
 na*, *sinus*, vel *fistulae* eam produxerint; difficilis, non tamen fru-



stranea semper, erit curatio: praesertim, si haec mala non inveterata sint: ubi vero *spbacelus* jam adest, nulla erit.

Quae *vulneri* debetur, quo majus vulnus, quo malignius fuerit, eo difficilius inde producta sanatur Ancylosis, non tamen in genere omnis sanationis spes abest. Nullam autem, aut raram saltem, sanationem admittunt, quae a vulneribus sclopetariis, vel et venenatis, ortae sunt, Ancylofes.

Quae a *contusione* oritur, si haec simplex, si recens est, nec vehemens, quaedam affulget sanationis spes. Ubi autem composita, ubi inveteterata aut vehementioribus stipata est symptomatibus, spes, si non penitus, attamen praecipue in fumum evanuit.

Male ominari eam, quae ab *ichore*, *meliceria*, vel *hydrarthro* nata est, ex dictis, & ob acrimoniam & dira symptomata non raro comitantia, quis dubitet?

Quam *arthriti*s induxit, articuli immobilitas, tolli quidem faepissime, raro autem radicitus extirpari, potest.

Mali ominis est, quae a *scorbuto*; pessimi, quae a *lue Venerea* inducitur; ob insignem, quae illos morbos comitatur, humorum acrimoniam, tam solida, quam fluida, inficientem.

Quae ab *atrophia* oritur, in initio atrophiae curam admittit, proveciore eadem ob humorum acrimoniam, solidorumque corruptionem, negat.

Quae a *rhachitide* oritur, ob infausa symptomata, cacochymiam, & ossa nondum evoluta, facile invicem concrefcentia, mali praesagii est. Ab altera autem parte aetas junior multum ad sanationem juvat.

Quae



Quae a recenti admodum *gibbositate* enascitur, non adeo male ominatur Ancylofis; licet plerumque sit periculosa: pejus inveterata. Mala est *cyphosis*, pejor *scoliosis*, pessima *lordosis*: quae facile ex dictis patent.

Ab *exostosi* enata, quo haec articulo vicinior, quo magis inveterata, quo durior fuerit, quo vehementioribus stipetur symptomatibus, eo pejor: sanari rarissime valet.

Quae a *tumore fungoso*, aut *claudicatione*, enascitur, raro, si unquam, sanatur Ancylofis.

Quae a *carie*, a *spina ventosa*, ortum habet, ob axungiae acrimoniam, totius corporis cachexiam, & symptomata diriora comitantia, pessime ominatur.

Quae ex *luxatione non reducta* enata est Ancylofis, ni jam inveterata, & multis, iisque vehementioribus, fuerit stipata symptomatibus, & a causa insanabili nata sit, facile sanatur. Ubi vero *luxatio incompleta* simul & *non reducta* fuerit, male ominatur (c).

Remanens a *male reducta luxatione* Ancylofis pessime praefagit.

Quae a *reducta bene luxatione* originem trahit, pro variis accidentibus vario ominatur modo. Mali ominis est, si contusioni, distractioni validiori; pessimi, si ligamentorum dilacerationi plenariae debeatur; varii pro vario mali gradu. Utplurimum satis boni est, si inflammatio, a tentaminibus ad reducendam luxationem institutis, Ancylosin produxerit.

Quae

---

(c) Vid. EVERS, in RICHTER'S *Heelk. Boekzaal*, l. c. pag. 103. seqq.



Quae a *fractura* oritur, quo haec simplicior, quo ab articulo remotior, quo melius reducta, quo minus perfectus callus, quo pauciora, quo mitiora fuerint symptomata, eo major spes. Ubi contraria adsunt, male ominatur.

Quae a caeteris causis dictis producitur, Ancylosis nunc sanari potest, nunc vero minus. Id in genere tenendum, quo magis inveteratum malum, quo pluribus, quo vehementioribus stipatum fuerit symptomatibus, eo pejus, eo funestius.

## C A P U T I V.

## DE ANCYLOSEOS CURA.

## §. XXV.

**Q**uaenam Ancyloseos species sanationem, quaenam minus admittant, per Prognosin edocti, jam in remedia, Ancylosin sanantia vel levantia, inquiramus.

## §. XXVI.

Tres generatim perficiendae ad Ancylofes Curationem Chirurgo incumbunt indicationes. Debet enim 1°. mali fomitem, si possit, tollere; 2°. ipsam praeternaturalem rigiditatem auferre; 3°. symptomata depellere, saltem mitigare.

## §. XXVII.



## §. XXVII.

Has tres indicationes in vera Ancylofi exsequi non licet. In ea enim morbi sanationem inchoare, ut egregie monuit W. H. MULLERUS (*d*), est cum Danaïdibus dolia replere. Nec quempiam unquam ejus sanationem cum successu aggressum fuisse, uspiam memoratur. Solus VERDUC, Chirurgus Parisiensis, hanc se sanasse, scripsit: credendum autem, (quod ibidem monet MULLERUS,) eam non veram fuisse Ancylofin, sed potius contracturam & rigiditatem tendinum, & musculorum, pro sua causa habuisse, adeoque spuriam fuisse. Vel, an existimabimus, ossa Ancylofi confluentia dein ferro diffringi posse? Quale quid a rustico Medico, dicam an? temerario Medicaastro & Artis dedecore, sanationem a se procurandam jactante, aliquando tentatum fuisse, studiorum in Academia socius mihi retulit; sed eo cum successu, ut aeger, variis discruciatibus torminibus, ad plures properaverit.

Dum autem ad Curationem morbi cura palliativa etiam referri potest, haec nonnunquam in stitui debet. Quomodo vero huic satisfiat, ex Ancyloseos spuriae palliativa, satis ni fallor, fiet manifestum.

## §. XXVIII.

---

(*d*) In *Dissert. de Ancylofi*, pag. 13. Conf. HALLERI *Dissert. Chir.* Vol. IV. pag. 547.



## §. XXVIII.

De Ancyloſi ergo ſpuria videamus, & de quaque ſpecie ſingulatim agamus. Facile autem, ad ſanandam Ancyloſin, ut vult PAULUS AEGINETA (e), non ſemper emollientia & laxantia requiri, ſed ſubinde plane oppoſita convenire remedia, e Cura ſpeciali, ad quam propero, patebit.

Quae a *vi diſtrahente* originem traxit, Ancyloſis, ſublata cauſſa, remediis corroborantibus, (v. g. friccionibus, ſive ficcis, vel ſola manu factis, vel linteis calidis, vel cum ſuccini, maſtiches, olibani, &c. fumo, pannis excepto; ſive humidis, cum ſpiritu vini camphorato, ſpiritu matricali ſimilibusque, factis; aut balneis frigidis,) inſtituenda eſt ſanatio, & membrum ſenſim magis magisque, ubi dolor minor eſt, ſed lente, eſt flectendum & movendum. Notandum autem, ubi hoc in capite de motu loquor, non perinde eſſe, qualis motus inſtituatur. Ginglymus enim nullum motum, niſi extenſorium & flexorium, enarthroſis autem & arthrodia etiam rotatorium admittunt (f). Motus utique articulo debet eſſe conſentaneus.

Ubi a *vi comprimente, contorquente, urente, rodente, ſcindente*, enata eſt obrigeſcentia, haec tollenda ſunt; dolor mitigandus, vel tollendus per anodyna & emollientia mucilaginofa: dum inflammationi per largam venae ſectionem, reliquisque ſymptomatibus pro ſua

---

(e) Vid. Lib. IV. Cap. 55.

(f) Vid. Diſſert. mea de Ancyloſi, §. IV. pag. 5. ſeq.



sua indole occurrit Chirurgus. Regimen porro strictius, diaeta euchy-  
 ma, eupepta, attenuans, aër moderate calidus, medicamenta  
 resolventia, motusque lentus, prudenter institutus, aliquoties,  
 bis terve de die, repetitus, multum conducunt.

Sin autem a *smegmatis articularis defectu* obriguerit articulus,  
 regimen strictius, diluens, diaeta euchy-  
 ma, eupepta, plurimum  
 conducunt. Nec thermae & stillicidia, de quibus mox plura, ad-  
 hibuisse poenitebit. Immo vero unguento nervino & vapore aquae  
 calidae dictam aegram sanavit J. VAN WYCK (g). Varia autem  
 pro varia defectus causa pergendum esse ratione, intelligunt omnes.

Ubi autem ab *eiusdem accumulatione*, vel *inspissatione* enascitur,  
 frigidae affusionem plurimum proficere, censuit HIPPOCRATES (h):  
 quod an multum pro-  
 fit, merito dubitat SWIETENIUS (i), ex eo  
 forte prodesse, censens, quod illa frigida partes contrahat, sicque  
 humorem repellat. Ubi vero malum altiores egit radices, parum  
 emolumenti inde expectandum videtur. Profunt autem hoc in  
 casu multum venae sectiones, imprimis si dolor magnus est, juscu-  
 la & decocta aperientia, diluentia, strictum vitae regimen, cata-  
 plasmata emollientia, resolventia, & discutientia: v. g. catapla-  
 sma ex fuligine, cum furfuribus & urina, paratum, quale in  
 arthriticis tumoribus & hinc nata Ancylosi laudat DU VER,

NEY

---

(g) Vid. REIMARUS, l. c.

(h) Vid. *Aphor. Sect. V. Aphor. 25.*

(i) Vid. *Comment. in BOERH. Aphor. 556. pag. 250. seq.*



NEY (*k*), &c. Similia valebunt emplastra; v. g. Oxycroceum, de Galbano crocato, de Ammoniaco; cui adjiciantur diaphoreticum Mynsichti, & oleum tartari foetidum, oleum lumbricorum, petroleum, spiritus cornu cervi, & similia penetrantia remedia & res solventia: nec non epithemata ex muria, vel falsugine, qua haleces conditae sunt, & cum qua herba Sabinae, Rutae, &c. coquantur, addito aceto, vitriolo & alumine (*l*). Emplastrum Tachenii, & linimentum ex spiritu vini, sapone, sale Ammoniaco & Camphora, laudat DU VERNEY (*m*). Quae omnia, quo major est durities, eo magis requiruntur. Conveniunt & frictiones per lintea calida, balnea, thermae, inprimis Aquisgranenses et Rehburgenses, limosae Sanct-Amandenses, nec non Burboniae & Baregianae, quas maxime laudat PETIT (*n*): quarum aquae pro potu assumantur, vel in quas aegri desident, vel ex quibus etiam in membrum morbosum dirigitur ex alto stillicidium, quod Galli *La Douche* (*o*) dicunt. Possunt quoque naturalibus balnea artificialia & stillicidia substitui, quae ex similis naturae ingredientibus componi debent; quod cum successu fecit LEDRAN (*p*). Prodest etiam solutio salis Ammoniaci, cum aqua calcis mixta & in membrum ex alto demissa, quo stillicidio feliciter usus fuit PETIT (*q*).

Salem

---

(*k*) Vid. *l. c.* Tom. II. pag. 400. Ed. Belg. pag. 339.

(*l*) Vid. PLATNERI *Inst. Chirurg. Rat.* §. 1217.

(*m*) *l. c.* pag. 399, 400. Ed. Belg. pag. 338, seq.

(*n*) Vid. *l. c.* Tom. I. pag. 320. seq.

(*o*) Quod vocabulum ab Italis translatus videtur, quibus *La Doccia* idem significat. Vid. PLATNERUS, *Op.* Tom. II. pag. 224. qui et alia nomina recensuit.

(*p*) Vid. *Observations de Chirurgie*, Tom. II. obs. 93, 94.

(*q*) Vid. *l. c.* pag. 328, 329.



Salem etiam Ammoniacum aqua dilutum pro stillicidio adhibere utile est; quod remedium egregio cum successu contra ligamentorum debilitatem in usum vocavit PLATNERUS (r) in juvene, qui, quum se in palaestra saliendō exerceret, vim intulerat juncturae, quae inter femur atque tibiam est, quaeque patella tegitur, (per quam periphrafin absque dubio ligamenta, quae cruciata dicuntur, designat :) adeo ut brevi post nec tibiae inniti, nec, tardioribus etiam passibus, solus incedere posset. Frustra datis per aliquot hebdomadas antiphlogisticis, consultus tandem PLATNERUS, nequicquam adhibita fascia, & fomentis discutientibus, ad stillicidium, a multis antea laudibus elatum, explorandum devenit, atque sale Ammoniaco aqua diluto, ex alto depluente, membrum irrigavit, jussitque, ut post irrigationem validior adhiberetur fricatio, membrumque pertractaretur, eo cum successu, ut post paucos dies nullo baculo fultum egredientem viderit aegrum (s). Egregiam etiam juvenis Ancylosi spuria a spasma, sed pro vera habita, ad genu laborantis, dolorifica admodum, mox amputationem subituri, a se autem ope thermarum & stillicidiorum, ex oleo lumbricorum & hyperici aa pt., (quae & hic conveniunt,) sanati, historiam retulit MALOET (t). Talia stillicidia commode

(r) Vid. *Oper.* Tom. II. pag. 229, 230.

(s) Haec stillicidia aliquando inusitata fuisse, cum, quod eorum utilitas non perspiceretur; tum, quod parandi modus ignoraretur, unde frustraneum saepe, aut nullum darent effectum, vid. *Comm. Litt. Norimb.* A. 1732. Hebd. 25. pag. 199.

(t) Vid. *Memoires de l'Acad. R. des Scienc.* A. 1728. pag. 283. seqq. & *Comm. Litt. Norimb.* A. 1732. Hebd. 53. pag. 422. Conf. *Prix de l'Acad. R. de Chir.* Vol. II. pag. 81.



ex aqua calida, vel solutione salis Ammoniaci, &c. per longum tubum ad articulum rigidum determinatis, fieri poterunt. Non juvantibus fatis stillicidiis, dolore multum imminuto, demum fomenta ex vino aromatico saepius iterata commendat PETIT (u). Praeter laudata remedia commendatur et aliud, ut nempe vesiculis calida plenis laborans articulus per aliquod tempus tegatur; quo fit, ut totum corpus, & praesertim affecta pars leniter infudet, & qui intus confluerit, humor discutiatur: quod remedium post adhibita stillicidia egregio cum successu adhibuit LEDRAN (v). Commendatur quoque a DU VERNEY (w), ut obfrigescens pars in vivi, vel recens mactati animalis, abdomen vel tracheam immittatur, & dein linteis, spiritu vini calido, &c. circumbuto, tegatur; vel ut cute calida detracta recens mactati animalis involvatur, vel sanguini recenter misso immittatur, sicque per naturalem talis animalis vaporem, qui balnei quasi vices sustineat, foveatur. Verum quidem est, rarius prima & unica vice juvare hoc remedium, repetitis tamen multum id prodesse posse, vi solvente, & emolliente, crediderim. Ubi vero valida adeo est ea accumulatio, ut his obedire prorsus neget, acu cannulata, vel lanceola pertundenda est capsula articularis, & prudenter manu versus aperturam comprimenda est, ut exeat illa synovia: cavendum autem, ne hac pertusione reliqua laedantur ligamenta interiora & aponeuroses. Fi-

non assilum quibus bono, nro, etiam rursus obsequia nro, nro nita

(u) Vid. l. c. pag. 320.  
(v) Vid. l. c. & BAUDRY *Traité des Eaux minérales de Bourbonne à Dyon*, 1736; quem tractatum citat PLATNERUS l. c. pag. 229, ipsi videre mihi non contigit.

(w) Vid. l. c. pag. 384. seq. Ed. Belg. pag. 325. seq.



nita hac operatione, haud pariter inane est per plagam immittere liquorem quemdam balsamicum, aliumve, indoli causae morbosae hujus mali accommodatum, calidum: v. g. decoctum, vel infusum agrimoniae, scordii, aut similium, vel aqua vulneraria prudentur injiciatur, ut diluatur linimentum & discutiatur. Hoc facto, quando sic omne expulsum est smegma, plumaceola, balsamo leniente, e. g. Arcaei, aut oleo quodam blando imbuta, articuli cavum oblinatur, & tegatur emplastro defensivo aut glutinante. Motus etiam prudenter tentandus est. Ubi *purulentum* est *smegma*, vel *crassius*, ita ut per foramen cannula factum exire nequeat, duae magnae ad latus interiorum ligamentorum faciendae sunt incisiones, vulnusque eodem tractandum modo. Cavendum autem, ne, sanato vulnere, rigescant nimis, aut ita flaccescant ligamenta, ut inde luxatio sequatur. Cavendum pariter, ne ossa diutius aëri exposita exfoliationem subeant; quò in casu injectiones ex oleo ligni Guajaci, cicurato sp. vini Camphorati q. f., vel ex pulv. Myrrhae, Euphorbii & Alöes, vino albo incoctis, laudat DU VERNEY (x). Ubi *axungia* nimis *serosa* est, aliove miscetur succo, eodem tractanda modo est. De hoc autem infra, ubi de hydrarthro agam, plura.

Ubi *acrimoniam* contraxit, involventia & diluentia non nocent; sed forsan non proderunt magis, quam alia acrimoniae opposita remedia.

Ubi *corpora heterogenea* in articulo delitescunt Ancylosi produ-

cen-

(x) Vid. l. c. pag. 397. Ed. Belg. pag. 336. seq.



cendae suam contulerunt symbolum, emollientia, discutientia aliaque dicta remedia externa adhibenda sunt; quibus nil proficientibus ad sectionem deveniendum est, qua feliciter aliquando talia corpora tolluntur. Facta sectione, dicto antea modo pergendum. De corpore cartilagineo, magnitudine majoris digiti articulum aequante, vestigia ossis exhibente, per sectionem e genu sublato, legi meretur PECHLINUS (y).

In *ligamentorum musculorumque accurtatione*, nec non *constrictione*, ad Ancylosin contribuentibus, multum emollientia, resolyventia, thermæ, stillicidia (z), & antispasmodica interne assumta: in *elongatione* multum adstringentia, roborantia, fomenta, cataplasmata, fasciae, & balnea frigida profutura videntur.

Ubi a *ligamentorum musculorumve debilitate* producta est Ancylosis, articulum fascia paullo adstrictiori, cochleae in modum circumacta, deligare plurimum conducit, quod remedium saepe illas partes contrahit firmatque. Ubi hæc deligatio scopo non satisfacit, ad thermas, & stillicidia deveniendum est (a). Addantur fomenta, unguenta roborantia, v. g. unguentum Martiatum, nervinum. &c. frictiones, & articuli exercitatio.

Enatam a *ligamentorum rigiditate*, & *duritie*, Ancylosin epithemata diluentia, cataplasmata emollientia & resolyventia, medicamenta anodyna, frictiones, stillicidia, imprimis ex sale Ammoniacco, balnea, thermæ, fomenta tepida, non tamen plane intermisso prudenti motu, saepe mitigant, subinde tollunt.

Quam

(y) Vid. *Obs. Phys. Med. Lib. II. Obs. 38. pag. 306. seq.*

(z) Vid. *Memoires de l'Acad. R. des sciens. l. c.*

(a) Conf. PLATNERUS l. c.



Quam *eorundem tumor* induxit, rigiditas emollientia, resolventia, thermas, stillicidia, caustica, ferrum, aliaque tumori destruendo apta, varia pro varia tumoris indole, poscit remedia. Utinam nobis fungi ligamentorum curam, experientia firmatam, ut promissit (*b*), tradidisset doct. REIMARUS!

Ubi *disrupta* fuerunt ligamenta, emplastrum ex gummi Ammoniaco cum successu adhibuit O. J. EVERS (*c*). Quapropter et, ubi vulnus artificiale ad evacuandum smegma fuit inflictum, tale emplastrum conducere, crediderim.

Quando a *vulneribus* producitur rigor; ut sanetur, aliena omnia sunt eximenda, & eo dein, quo in aliis vulneribus Chirurgi solent, modo pergendum.

*Ichori, meliceriae, hydropi articularum* ea, qua synoviam evacuant, tollendam dixi, methodo est occurrendum, quibus et modicus accedat hydragogorum usus, aliaque, quae cacochymiam tollere valent.

Quae suum *rheumatismo* ortum debet, Ancylosis an, irritis omnibus aliis remediis, emphysemate, in illo morbo laudato, per inflictum integumentis vulnus, sanari potest? (*d*). Hujus utilitatem nondum perspicio. Videndum, quid doceat usus; dum, experientia in Europa comprobatum haecenus fuisse, nondum novi. Equidem, ni indubitatis & frequentibus confirmetur effectibus, nunquam arriperem: certe alia absque

vul-

---

(*b*) Vid. *Dissert.* pag. 52.

(*c*) Vid. RICHTER'S *Heelk. Boekzaal.* VI. deel. I stuk. pag. 103. *segg.*

(*d*) Vid. quae, de Emphysematis in rheumatismo usu, habet D. H. GALLANDAT, in *Verhand. der Holl. Maatsch.* VI. Deel. 2 stuk. pag. 676. *segg.*



vulnere adhibenda praeferrem; veluti memoratum jam superius emplastrum ex gummi Ammoniaco, cui magis ob vim resolventem egregiam, uti et frictionibus, thermis, stillicidiis, &c. fido.

In Ancylofi ab *arthritide* nata, praeter nota antarthritica & memorata varia emollientia & resolventia, nonnulla alia laudat DU VERNEY (e); radicitus autem raro fanari, non est quod moneam.

Quae tumoribus *scrophulosis*, *scorbuto*, *lui Venereae*, aliisque con-  
similibus malis debetur, debellato fomite, si thermis & stillicidiis non obediat, membri amputationem exigat (f).

Ubi *exostosi* suos debet natales, hanc tollere aliquando conducit. Quem in finem cauterium aliquando multum valet: vel tumor osseus styli perforatorii ope, coronae trepani adaptati, plurimis pertundatur foraminibus, non valde a se mutuo distantibus, & interstitia forcipis, vel, ne fissura oriatur (g), potius cunei, malleo plumbeo adacti, ope, destruantur, tuncque, ad subitanam obtinendam exfoliationem, solutio Mercurii in aqua forti, aut similia, adhibeantur (h). Quae dicta instrumenta descripsit delineavitque GAREN-GEOT (i). Si vero exostosis ab intemperie quadam, seu vitio interno, nata est; haec suo prius modo tractanda, antequam ipsam exostosin tollere tentet Chirurgus.

Si

---

(e) l. c. pag. 398. seqq. Ed. Belg. 338. seq.

(f) Vid. *Prix de l'Acad. de Chirurg.* Tom. III. pag. 333.

(g) Vid. SWIETENII *Comment. in Aph.* BOERH. §. 465. Tom. I. pag. 806. seq.

(h) Vid. PETIT *Traité des Maladies des Os*, Tom. II. pag. 393. seq.

(i) Vid. *Verhand. over de Instrum. der Chirurgie*, II. Deel. pag. 64. seqq. & 151—154. cum adjectis tabulis.



Si a quacunque *offium corruptione*, aut *carie* enatam Practicus videt Ancylofin: eam prius per remedia humores corrigentia, amara, Artemisiam, Abrotanum, Absynthium, aggrediatur, & ubi caries adest, exfoliationem tentet per siccos pulveres insperfos, v. g. ex olibano, thure, mastiche, myrrha, iisdemve vino albo incoctis, aliisve antea dictis, vel et per liquorem BELLOSTII, ex Mercurio, spiritu nitri soluto, & aqua plantaginis diluto, factum. Iisdem hisce, nec non essentia succini & myrrhae, lapide infernali, aqua phagedaenica, aliisque, quae tradit HEISTERUS (k), fungos offium tollat. Aut actuale cauterium, vel raspatorium (l), ad tollendam partem corruptam, novamque vi emergentium vasorum retexendam partem osseam periosteumque, in tempore adhibeat Chirurgus, oportet. Cavendum autem, ne nova substantia ossea articuli manticulas, vel reliqua ligamenta obducatur; cui imprimis frequenti, sed leni, motu prospicimus. Irritis omnibus, unicum in amputatione solatium est. In ultimis ultima tentanda. Notandum tamen, in dictis casibus Naturae vires per corticem Peruvianum, rubrum imprimis, vulgari longe certiore & efficaciore, sustentandas esse.

Ubi a *luxatione non reducta* enatam videmus Ancylen, larga venae sectio, regimen antiphlogisticum, diluentia, etiamsi absit inflammatio, nec non remedia topica, quibus dolori, inflammationi,

&

---

(k) In *Inst. Chirurg.* Tom. I. Lib. 5. Cap. 4. § 8. pag. 417. seq. § 429. Ed. Belg.

(l) Conf. GARENGEOT l. c. pag. 62. seqq. § 148 — 151. cum additis iconibus & Tabula ad pag. 67. adjecta.



& tumori eamus obviam, indicantur: quibus adhibitis, motus imprimis frequenter, sed prudenter, sensim sensimque tentandus est. Neque reductio negligenda est: quae tamen semper non ita facile fit; quo in casu stillicidiis, balneis, thermisque utendum, quas expertus laudat PETIT (m).

Quoties *male reductae luxationi* hoc malum supervenit, corrigenda reductio, & Ancylosis eodem, quo in praecedenti casu dictum, tractanda modo. Rarissime autem hoc vitium corrigi se patitur; saepe etiam correctionem tentare non licet, & nil saepe, nisi sola cura palliativa, superest.

Si *bene reductae* Ancylosis supervenit *luxationi*, saepe mederi valemus larga venae sectione, regimine stricto, medicamentis anodynis, diluentibus, resolventibus, aut et roborantibus, motuque prudenter instituto.

Ubi luxationem manticulae fractura comitatur, emplastrum ex gummi Ammoniaco in aceto soluto commendat O. J. EVERS (n), ut supra monui.

Quando autem valida luxationem comitatur inflammatio, hanc in genere prius tollere conducit, quam luxationis curam aggredi: quia graviora ab illa, quam ex hac ipsa, sunt pertimescenda mala. Exasperata enim a reducendi tentaminibus inflammatione, totius affectae partis mors; a luxatione, praeter motum impeditum, alia mala symptomata non adeo metuenda sunt.

Ubi

---

(m) l. c. Tom. I. pag. 324. seqq.

(n) Vid. RICHTER l. c.



Ubi vero luxationem recens fractura prope articulum comitatur, haec prius reponenda est; quia eo in casu os satis extendi nequit (o). Dum interim, ut articulo inductae rigiditati eamus obviam, eam, quantum valemus, aquosis calidis & oleosis applicatis epithematis, moderamur, ut, curata demum fractura, reducatur luxatio. Sero autem saepe in his sapimus Phryges, & rarissime utrumque vitium, absque remanente Ancylosi vera, penitus sanatur.

Ubi *fracturae* suum ortum debet Ancylosis, articulus sensim magis magisque, sed lente movendus est, & eo quidem tempore, quo dolor remittit; qua re impeditur, quo minus callus inter ossa effundatur, vel iisdem circumfundatur, aut jam effundi incipiens Ancylosin veram producat. Solo hoc motu Ancylosin spuriam a fracta rotula sanavit, veramque antevertit PETIT (p). Fracto autem primum osse, praecavetur Ancylosis, vel sanatur, ponendo membrum in tali situ, ut materies callosa ab articulo deducatur; inter fracturae locum & articulum splenia, fasciis leniter pressa, ponendo, quo calli effusio intra, vel circa articulum impeditur. Calli autem abundantiam, quae in junioribus facillime fit, praecavere vix melius possumus, quam victu parcissimo, & vix majorem, quam ad sustentandam vitam requiritur, copiam concedendo: deinde articulum prudenter movendo, quoties tollitur apparatus.

Ubi autem callus in articulo, vel circa eundem effusus, & recens  
est;

---

(o) Vid. PLATNERI *Inst. Chir. Rät.* §. 1119.

(p) Vid. *l. c.* Tom. I. pag. 321. seq.



est; tentato saepius leni articuli motu, applicatisque medicamentis emollientibus, discutientibus, resolventibusque, non raro Ancylofis praecaveri, vel et sanari potest. Semper tamen quid impedi-  
menti restat, nec raro claudicatio tristem mali praeber *ἀνάμνησιν*.

In reliquis, quae sanari possunt, Ancyloseos speciebus, omnibus causis suo occurritur modo: id est, uno verbo, *contraria*, ut dixit HIPPOCRATES (*q*), *curantur contrariis*; quae omnia recensere vetat, quam mihi proposui, brevitatis. Notandum autem, quod in omni Ancyloseos cura motus accedere debeat.

Duo adhuc contra Ancylofin in genere laudata remedia memoranda supersunt, 1<sup>o</sup>. Glandes contra Ancylofin commendavit clar. Fr. J. G. SCHROEDERUS (*r*), iisque resolventem, roborantem & penetrantem vim attribuit. Certe fieri potest, quod etiam verosimile, ut glandes ob vim roborantem non plane nullius sint usus: ab altera autem parte, vi potius adstringente, quam resolvente, tum et, ob nimiam glutinis copiam, multum nocere posse glandium usum, vix dubito 2<sup>o</sup>. Communicavit mecum amicus Medicus observationem, sibi, ut testatur, a peritissimo Practico traditam; qua aëris fixi tam insignis apparuerit efficacia, ut artuum rigiditatem cum immobilitate junctam, nequicquam aliis adhibitis remediis, sanaverit plenarie. Forsan autem hoc remedium non in Ancylofi plenaria, sed in mino-

re

---

(*q*) *Sept. II. Aph. 22.*

(*r*) *In Epistola ad clar. BALDINGERUM. Vid. Comm. de reb. Sc. vol. XX. part. 4. pag. 636. seq.*



re rigiditatis gradu adhibitum est: saltem tantam ejus vim nondum perspicio.

### §. XXIX.

In iis autem, quae sanari negant, Ancyloseos speciebus, nil, nisi palliativa cura, superest; quae noxas ab Ancylosi oriundas praecaveat, eamque aegro tolerabiliorem reddat. Hanc peragunt anodyna, antispasmodica, venae sectiones largae, laxantia, emollientia, & resolventia, aliaque pro re nata, regimen strictius, diaeta euechyma, eupepta, ex lacte, maxime ejus sero, lacte ebutyrato, aqua, ptisana, jusculis tenuioribus, carne pulli, vitulina, hordeo, milio, oryza, rad. scorfonerae, lactuca, pane biscocto, fructibus horaeis, cerevisia tenui. Cavendum a causticis. In genere medicamenta diluentia, emollientia, resolventia, antiphlogistica, antispasmodica conveniunt.

Notandum autem, quod, ubi ferri valet malum, saepe spectatorem agere oporteat Medicum. Ubi v. g. a scirrho, vel exostosi benigniore, &c. producta fuerit Ancylosis, ne medicamentis non tantum non sanetur, verum exacerbetur morbus, immo ipsa mors sequatur (s). Cavendum autem, ne naturam turbemus in salutari suo scopo, de quo §. XVII. actum est.

### §. XXX.

---

(s) Vid. PETIT, l. c. Tom. II. pag. 375.



## §. XXX.

Interdum fit, ut Ancyloſis quaedam jam produxerit ſymptomata, quorum fugationem requirit plenaria Ancyloſeos ſanatio. Quare et huic ſcopo intentus fit Medicus, oportet, ut ſymptomata a diro hoc morbo producta pellat, vel, ſi hoc non valeat, mitiget. Hoc ſane per ipſius morbi curationem optime efficietur. Alias autem quomodo huic ſatisſiat ſcopo, enarrare ſi vellem, initium facile foret, finem aegre attingerem, & hic tractatus arctos diſſertationis academicae excederet limites, & in volumen excreſceret. Id in genere denuo, ſecundum dictam HIPPOCRATIS regulam, qua toties Medici in aliis utuntur morbis, notandum, *contraria curari contrariis*.

## §. XXXI.

Hanc itaque, B. L., Ancyloſeos Hiftoriam, quantum valui, breviter & evitata prolixitate moleſta, expoſui. Scopus quidem mihi fuerat metatarſi totius ſiniſtri, quem alibi (t) deſcripſi, in unum os confluxus; atlantum cum craniis; magnae gibboſi trunci partis §. XI. N°. XIX. 3°. pag. 34. ſeq. dictae, coalitus; Ancyloſeos cruris cum parte tarſi & metatarſi, aliorumque, quae nuperrime mihi comparavi, ſpeciminum adjicere icones: ob anguſtiam autem temporis, qua nunc premi me ſentio, hiſce acquieſco, illas data opportunitate cum adjecta deſcriptione editurus. Plura de Ancyloſi ſiquis deſideret, praeter Chirurgicae artis

---

(t) Vid. *Diſſ. Acad. de Ancyloſi*, in *Mantiſſ. N. 3°. pag. 56.*



artis Scriptores, conferantur clar. A. E. BUCHNERI *Dissertatio de Ancylofi*, Erfurt. 1743. quam tamen in meas manus non pervenisse, quam maxime doleo. CONNOR, *de Stupendo Ossium coalitu*, Oxon. 1695. PETIT *Traité des Maladies des Os*, Tom. I. pag. 285. seqq. DU VERNEY *Traité des maladies des Os*, Tom. II. pag. 350. seqq. Ed. Belg. pag. 296. seqq. W. H. MULLERI *Dissert. de Ancylofi*, quae exstat in HALLERI *Dissert. Chirurg. vol. IV. pag. 539. seqq.* O. J. EVERSI *Observationes de Ancylofi*, quae prostant in egregio Diario Chirurgico, Germanicè ed., *Chirurgische Bibliothek* dicto, clar. Professoris Gotting. A. G. RICHTER, quae nunc etiam Belgicè prodit, titulo *Heelkundige Boekzaal*; ubi vide VI. Deel. 1 Stuk. pag. 103. seqq.

Quae jam huic opusculo meo deesse videantur, ea propenso animo, B. L., suppleas, enixe rogo: sin vero juvenilia conamina. Tibi placeant, & rem meam evicerim, erit quod mihi grätuler.

F I N I S.



# T H E S E S.

I.

*Frequentior, quam vulgo putatur, insanabilis surditatis causa est ossium auditus Ancylosis.*

II.

*Ossium Pubis Ancylosis validissimum contra synchondrotomiam pubis praebet argumentum.*

III.

*Ancylosin veram sanare qui tentant, Aethiopem lavant.*

IV.

*Si luxationi fractura prope articulum accedat, hanc illa prius curandam esse, contendo.*

V.

*Male clar. VOGELIUS (a) cortici Peruviano infimum inter febrifuga dat locum.*

VI.

*Minus recte IDEM (b) febricitantibus cibos salitos & muria conditos salutare perhibere videtur.*

VII.

*Nec majori jure (c), in obstructis glandulis circulationem non plane esse interceptam, sed lentiores tantum, statuit.*

VIII.

*Quum vasa lymphatica sanguiferis robustiores habeant tunicas; illis in obstructione majus, quam his, imminere rupturae periculum, immerito asserere videtur ill. SWIETENIUS (d).*

IX.

*Licet, quomodo lumbrici, Humano generi perquam infesti, nostrum corpus ingrediantur, explicatio multis prematur dubiis; optima tamen videtur, qua eos, sive forma ovulorum, seu animalculorum minimorum, C. H. ingressos, ibidemque conditiones suae exclusioni, vel incremento faventes, natos, in solitam excrecere statuunt magnitudinem.*

X.

*In mortis suspensorum causis interceptae respirationi primarius locus dandus.*

---

(a) In Praelect. Acad. de Cogn. & Cur. Praecip. C. H. Affect. §. 23.

(b) Ibid. §. 27.

(c) Vid. §. 339.

(d) In Comm. ad Aph. BOERH. §. 120. Tem. I. pag. 183. seq.











*DISSERTATIO MEDICA  
IN AUGURATIS*

D E

SANGUINIS MISSIONE IN  
APOPLEXIA AB INTER-  
NIS CAUSIS ORIUNDA.



Dr. Shreve

W. H. West Company to

from the Author